



07209

工部尚書鮑防碑

有唐尚書東海宣公姓鮑春秋六唐有九公從三十

六載致政二年歷官二十五凡居達官之長十二領

四嶽十三州牧之寄三貞元六年秋八月景申薨于

洛陽私第冬十月旬有七日從先公于北垆南原詔

贈太子少保給鹵簿鼓吹旌其卒葬後三年嗣祖宗

由惟中古封樹之制且曰丘隴與年代相推幾何而

平松栢與霜露相薄幾何而盡將令百代之後游九

原者徘徊不朽之烈歎息可作之美其惟金石刻乎

是用建碑表墓以揚先懿公諱防字子慎河南洛陽

三續青賞

卷二 墓碑類

四十一

人其先蓋夏禹之苗裔春秋時杞公有仕齊者食菜

於鮑因以命氏曾祖標皇隴州汧陽令祖仁爽雅州

飛越尉贈眉州刺史父思溫彭州唐昌丞贈工部尚

書皆盛德下位發祥於公天寶中天下尚文其曰聞

人則重佂有德貴齒高位公賦感遇十七章以古之

政法刺譏時病麗而有則屬詩者宗而誦之舉進士

高第調太子正字中州兵興全德違難辭末王去來

璵爲李光弼所致光弼上將薛兼訓授專征之命于

杲越輟公介之始兼訓之奉光弼也以順命爲忠不

及於義公知光弼之不終也論而絕焉東越仍師旅

饑饉之後三分其人兵盜半之公之兼訓也令必公
口事必公手兵兼于農盜復于人是時中原多故賢
士大夫以三江五湖爲家登會稽者如鱗介之集淵
藪以公故也徵拜尚書郎優游公卿間執政者以代
言之司見屬無何薛兼訓寢疾太原上以北門寄重
軫念於薛思所以貳而代之者莫與公比召對勞賜
寵而遣之公之至也人不知其帥之疾帥不自知其
疾及其代也由亞尹中丞泊居守專征之倅各遷其
任兵自勇厲至于輯睦人自安業至于移風政自無
闕至于有典代宗嘉歎之不足圖寫公形列于別殿

三續奇賞

卷二十一 墓碑類

四四

益麟閣名臣之次也三載朝覲屬今上嗣位惟新大
政授公紀律俾作典刑拜御史大夫旋以文武之柄
方鎮爲大南國萬里俾之師長統閩越轉江西公之
撫人也以家勤之以子愛之利用用之厚生生之詔
加銀青光祿大夫右散騎常侍紀成績也真拜右常
侍扈從巡狩轉禮部侍郎上還鎬京展謝郊廟公預
太常折無文之禮進封東海公詔徵賢良求其讜言
時薦仲兄不敢違詔承詔實蒼生利之宰臣病之與
公並命考第者以爲異日故事言或有犯投之不疑
焉公曰使吾聞所未聞聖朝之瑞也扈居甲科每歲

貢士充于王庭心爲靈龜事絕請托京師仍歲蝗孽
務殷人耗拜京兆尹詔下風行令宣政舉咸革難理
惠周無告旣而痠痺生疾陳乞遂閑上置上將軍員
以待功臣先用文儒耆耄以寵其選拜右武衛上將
軍厥疾加劇優詔授工部尚書致仕徙家東周富天
祿貴天爵樂天命順天和以終夫天年嗚呼賢哉公
德本于孝才歸于周從王牧人即戎臨事大畧以忠
肅慈惠沉毅莊敏爲稱喜善怒惡不必爲已論交任
人必惟其忠入爲羽儀出作藩翰夔夔然以家人嚴
君之義屬于長兄蓋什卿之祿千乘之賦一以奉之

三續青賞

卷二十一 墓碑類

單五

四時賓客之事車服用之費一以稟之公與夫人
視諸孤郡從唯所授公不敢以禮秩異夫人不敢以
居有私而敬恭和樂之道於是乎久御史中丞武威
賈全公之甥也少長於我登朝異門教切義方慈均
天性故全之報也稱天下甥舅加禮焉鄭滑節度使
龐西李融公之吏也推以腹心齊厥憂寵歷佐三道
其間如一故融之報也類天下賓主加歡焉於全也
見公之內於融也見公之外然則公之行已與人可
知矣夫人蘭陵郡夫人蕭氏始佐公賢終成公貴及
公旣歿清風如同二孤前左衛兵曹參軍殿中省進

馬宗參以文學世公之業孝友繼公之志猶日不足
以抒夫罔極於是乎發揚垂裕之義作爲銘曰
穆穆宣公爲王蓋臣終始明哲優游寵勛在昔理平
逢時尚文高唱寡和長才不群星河麗天卉木榮春
羽翰方睦風雲構屯乃佐戎帥名屈道伸乃登天朝
盛美惟新茫茫南國赫赫北門股肱王室父母生人
執憲成式尹京作則春官主文宗伯尚德出捍牧圉
入趨宸極望實攸并謀猷允塞賢宜翊聖道厄于命
方叔元老冉冉耕所病明明天子禮優致政曳履散金
顯真保性良辰何遽厚夜何長歸全故丘鞏洛之陽

三續青賞

卷二十一 墓碑類

四六

石是勒德音孔章於戲宣公百世不亡

唐刑部尚書致仕贈尚書右僕射太原白公墓

碑銘

并序

李商隱

公以致仕刑部尚書年七十五會昌六年八月薨東都贈右僕射十一月遂葬龍門子景受大中三年自穎陽尉典治集賢御書待大夫人弘農郡君楊氏來京師胖胖兢兢秦公之遺畏不克旣乃件右功世以命其客取文刻碑文曰

公字樂天諱居易前進士避祖諱選書判拔萃注秘省校書元年對憲宗詔策語切不得爲諫官補盤屋尉明年試進士取故蕭遂州泚爲第一事畢怙集賢

三續奇賞

卷二上

墓碑類

四十七

校理月中詔由右銀臺門入翰林院試文五篇明日以所試制加段佑兵部尚書領涇州遂爲學士右拾遺蒲將擬官請掾京兆以助供養授戶曹時上愛兵襄陽荊州入疏獻物在約束外公密詆二帥且曰非善良後雖與宰相不厭禍其後禮官竟以多殺不辜謚于頔爲厲李師古襲父事逆務作項領以謾儕曹上錢六百萬贖文貞故第以與魏氏公又言文貞第正堂用太宗殿材魏氏歲臘鋪席祭其先人今雖窮後當有賢即朝廷覆一瓦魏氏有分彼安肯入賊所贖第邪上由是賜錢直估以居其孫在職三年每謙

見多前笏留上輦。是否意詔滿剔扶摩望及少年見天下無一事五年會憂掩坎廬墓七年以左贊善大夫著吉武相遇盜殊絕賊棄刀天街日比午長安中盡知公以次紙爲疏言元衡死狀不得報即貶江州移忠州刺史穆宗用爲司門員外四月知制誥加秩主客真守中書舍人叙緋受上肯起田孝公代恒陽孝公行贈錢五百萬拒不內燕趙相殺不已公又上疏列言河朔畔岸復不報又貶杭州既至築堤扞江分殺水孔道用肥見田發故鄴侯泌五井淳儲甘清以變飲食循錢塘上下民迎濤祠神伴侶歌舞徙右

三續奇賞

卷二十一 墓碑類

吳八

庶子出蘇州授秘書監換服色遷刑部侍郎乞官分司得太子賓客除湖南尹復爲舊官進階開國九年除同州不上改太子少傅申百日假又二歲得所薨官白氏由楚入秦秦自不直社郵事封子仲太原以其後祖某鞏縣令考季唐襄州別駕贈太保一女妻譚氏始公生七月能展書指之無二字橫縱不誤既長與弟行簡俱有名故李刑部建庾左丞敬休友最善居家以戶小飲薄酒朔望晦輒不肉食携鄧同韋楚白服遊人間姓名過海流入鷄林日南有文字國爲中書舍人三日如建中詔書上鄭公單自代後

爲相稱質直文宗時文貞公果有孫起使下數歲至
諫議大夫賢可任爲今上御史中丞他日景受嘗跪
曰大人居翰林六同列五且爲相獨白氏亡有公笑
曰汝少以待其曾祖弟今右僕射平章事敏中果相
天子復憲宗所欲得開七關城守四州以集巨伐仲
冬南至備宰相儀物擊跪齋粟給事寡嫂永寧里中
有兄弟家指嚮健慕以信公知人集七十五卷元相
爲序系曰

公之世先用談說聞肅代代優布蹤河南陰德未校

公有弟昆本跋不搖乃果敷舒匪幣匪臆其醇腹

三續奇賞

卷二十一 墓碑類

四九

于鄉泊邦取用不窮天子見之層陞玉堂徵徵其中
上汰唐禹帝爲輦留續緒裝縷歲終當遷戶曹是取
驥白其華矚不痕緇用從棄遣至道天子疇誰與伍
率中道上綱筆懾麾綽三郡理旣去刑部脩東其居
大尹河南剪其暴適君有三輔臣有田畝臣衰君強
謝不堪守翊翊伸伸君子之文不借不怒惟君子武
君子旣貞兩有其矩孰承厥家曾祖之弟坤柄巽繩
以就大計匪哲則知亦有教詔益褒其收摭莠而導
刻詩於碑以報百世公老於東遂葬其地

李翰林名白字太白以詩著各召入翰林世稱才名
占得翰林他人不復爭先其後以脅從得罪旣免遂
放浪江南死宣城葬當塗青山下李陽水序詩集粗
具行止敬嘗遊江表過其墓下愛其才壯其氣味其
嗜酒知其取適作碑於墓且曰先生得天地秀氣耶
不然何異於常之人耶或曰太白之精下降故字太
白故賀監號爲謫仙不其然乎故爲詩格高旨遠若
在天上物外神仙會集雲行鶴駕想見飄然之狀視
塵中屑屑米粒蟲睫紛擾菌蠢羈絆蹂躪之比又嘗

三續音賞

卷二

五

此事大奇

有知鑿客并州識郭汾陽於行伍間爲免脫其刑責
而獎重之後汾陽以功成官爵請贖翰林上許之因
免誅其報也又嘗心許劍舞裴將軍予曾叔祖也嘗
投書曰如白願出將軍門下其文高其氣雄世稀其
本慙失其傳故傳叙之太和初文宗皇帝命翰林學
士爲三絕贊公之詩歌與裴將軍劍舞泊張旭長史
草書於三絕夫天付上才必同靈氣賢傑相投龍虎
兩合可爲知者言非常人所知也夫古以明德稱占
其官謚者甚希前以詩稱者若謝吏部何水部陶彭
澤鮑參軍之類唐朝以詩稱者王江寧若宋考功韋

蕪州王右丞杜員外之類以文稱者若王拾遺蘇司

業元容州蕭功曹韓吏部之類以德行稱者元魯山
陽道州以直稱者魏文貞狄梁公以忠烈稱者顏魯
公段太尉以武稱者李魏公英公以學行文翰稱者
虞秘監唐之得人於斯爲盛翰林其以詩稱之一也
予嘗過當塗訪翰林舊宅又於浮屠寺化城之僧得
翰林自寫訪賀監不遇詩云東山無賀老却棹酒船
迴味之不足重之爲寶用獻知者又於歷陽郡得翰
林與劉尊師書一紙思高筆逸又嘗遊上元蔣山寺
見翰林讚誌公云水中之月了不可取刀齊尺量扇

三續音賞

卷二十二 墓碑類

十一

其文勝于
詩

迷陳語文簡事備誠爲作者附於此云會昌三年二

月中敬自泝水草堂南遊江左過公墓下四顧青山

兩發塗口徘徊不忍去與前濮州鄆城縣尉李邵同

以公服拜其墓問其墓左人畢元宥實備灑掃留絹

帛具酒饌祭公知公無孫有孫女二人一嫁劉勸一

嫁陳雲皆農夫也日曰二孫女不拜墓已五六年矣

因告邑宰李君都傑請免畢元宥力役俾專灑掃事

嘻享名甚高後事何薄謝公舊井新墓角落青山白

雲其爲蕭索巨竹拱墓如公卓犖天長地久其名不

朽此爲祭文寫授元宥又爲碑曰

貴盡皆然名存則難故子重名不重官作李翰林碑
十五字而已

三續音賞

卷二十一

墓碑類

五十五



十五字而已

少府監胡公神道碑

韓愈

可以式靡

少府監胡公者諱珣字潤博年七十九以官卒明年八月十四日葬京兆奉先夫人天水趙氏祔焉其子逞廼巡遇述遷造與公婿廣文博士吳郡張籍以公之族出行治歷官壽年爲書使人自京師南走八千里至閩南兩越之界上請爲公銘刻之墓碑於潮州刺史韓愈曰胡姓本出安定後徙清河於今爲宗城屬貝州大父諱秀武后時以文材徵爲麟臺正字父宰臣用進士卒官平陽冀氏令贈潭州大都督公早孤能自勸學堅節槩非其身力不以衣食凡一試進

三續音賞

卷二十一墓碑類

五十三

士二即吏部選皆以文章占上第出爲儉勤自刻削不干人以矯時弊及爲富平尉一府稱其斷決建中四年侍郎趙贊爲度支使薦公爲監察御史主餽給渭橋以東軍洗手奉職不以一錢假人賊平有司覈考郡吏多坐死獨公以清苦能檢飾無漏失遷河南倉曹魏公賈耽以節鎮鄭滑以公佐觀察事檢校尚書工部員外郎以剛直齟齬不阿忤權貴除獻陵令居陵下七年市置田宅務種樹爲業自給教授子弟貞元十一年吏部大選以公考選人藝學以勞遷奉

先令以治辦遷尚書膳部郎中改坊州刺史州經亂

無孔子廟公至則命築宮造祭器率博士生講讀以時如法以祀人吏聚觀歎息遷舒州刺史州歲大熟麥一莖數穗間里歌舞之考功以聞遷尚書駕部郎中敎以公事犯尚書李巽異時主鹽鐵事富驕恃勢以語丞相由是退公爲鳳翔少尹巽死遷少大理元和十二年朝廷爲公年老能自祗力事職不懈可嘉拜少府監兼知內中尚明年以卒公始以進士孤身旅長安致官九卿爲大家七子皆有學守女嫁名人年幾八十堅悍不衰事可傳載可謂成德銘曰

竭竭胡公既果以方挾藝射科每發如望人求於人

三續奇賞

卷二十一 藝評類

五十四

我已爲之自始訖終不降色辭因官立事隨有可載發跡餽軍遭讒府界去居陵下爲吏爲隱坊畝之政于茲有嘆守官駕部名昇以屈躋于少府甚宜秩物不配其有君子耻之少府古卿公優止之刻文碑石以顯公行維公後人無怠嗣慶

嘉祐八年六月某甲子制曰朕初即位大賚群臣陞朝者及其父母具官某父具官某率德蹈義不躬榮祿能教厥子並爲才臣加賜名命序諸卿位所以勸天下之爲人父者豈特以慰孝子之心哉可特贈衛尉卿翌日某甲子中書下其書告第又副其書賜寬等以待墓焚寬等受書焚其副墓上乃撰次衛尉官世行治始卒來請曰先人賴天子慶施賜之官三品矣而墓碑未刻惟德善可以有辭于後世者夫子實聞知某曰然衛尉公墓隧宜得銘久矣於是爲序而

三續奇賞

卷二十一 墓誥類

五十五

銘焉序曰公姓李氏故隴西人七世祖諱某始遷于

光山五世祖諱某以其郡人王閩從之始爲建安人

曾祖諱某祖諱某皆不仕考諱某嘗任江南李氏稍

顯矣江南國除又舉進士中等以殿中丞致仕有學

行名能知人贈其父大理評事而已亦以子貴贈至

吏部尚書遊豫章樂其湖山曰吾必終於此於是又

始爲豫章人尚書之子伯曰虛已官至尚書工部侍

郎以才能聞天下其季則公也公諱某字公濟少篤

學讀書兼晝夜不息一以進士舉不中即以尤廕爲

郊社齋郎再選福州閩清洪州靖安縣尉有能名遷

每見淡於
仕進之人
欣然願為
之役

饒州餘干縣令至則毀淫祠取其材以爲孔子廟率
縣人之秀者興于學豪宗大姓斂手不敢犯法州將
部使者奏乞與京官移之劇縣不報而生不覺獄卒
殺人以免當是時侍郎方以分司就第公曰吾兄老
矣我得朝夕從之游以酒掃先人廬冢尚何求而仕
遂止不復言仕侍郎之卒也天子以公試祕書省校
書郎知江州德安縣事辭不就後嘗一至京師大臣
交口勸說欲官之終以其不可強也而晏元獻公爲
公請乃除太子洗馬致仕初尚書未老棄其官以歸
至侍郎及公之退也亦皆未老自尚書至公再世皆

三續奇賞

卷二十一

墓碑類

五六

有子而皆以嚴治其家如吏治江西士大夫慕其世
德稱其家法蓋近世士多外自藩飾爲聲名而內實
罕能治其家及老往往顧利冒耻不知休息公獨父
子兄弟能如此嗚呼其可謂賢於人也已公事親孝
比遭大喪廬墓六年然後已事兄與其寡姊衣食藥
物必躬親之及公老矣二子就養如公之爲子弟也
寬嘗爲江浙等路提點鑄錢坑冶又嘗提點江南西
路刑獄定亦再爲洪州官不去左右者十二年皆以
才能爲世聞人以恩遷公官至尚書虞部郎中階至

朝奉郎勳至護軍以嘉祐四年七月某甲子卒於豫

章之第室年八十九夫人長壽縣君趙氏先公卒八年既葬矣五年某月某甲子以公葬于夫人之墓左曰雷岡在新建縣之桃花鄉新里夫人故衢州人某官湘之女湘有文行尚書與爲友故爲公娶其女子三人寬定寔寔守秘書省正字早世于公之葬也寬爲尚書司勳員外郎定爲尚書庫部員外郎女子二人已嫁孫二十有一人曾孫十有五人皆率公教無違者公既葬而二子以恩贈公衛尉卿云銘曰
李世大家隴西其先於唐之季再世光山移遯于閩嶺海之間乃生尚書節行有偉始來江南考室章水

三續奇賞

卷二十七 墓誌類

五十七

繩繩二子隱顯兼榮孰多後祿其季維卿幼壯躬孝維君之踐能不盡用止於一縣退以德義鰥身於家外內肅離人不疵嗟亦有二子維天子使父曰往矣致而臣身子白歸哉以寧吾親以率其婦左右恂恂以官就侍天子之仁旣具祉福考終大耄追榮于幽乃賜卿號伐石西山作爲螭龜管之墓上勒此銘詩

故宋文節先生謝公祠道碑

李源道

天訖宋命皇兀一四海而統之至元二十三年行御
史臺侍御史程鉅夫以宋遺士三十人薦于朝於是
江東謝枋得在舉中被徵丁內艱辭亡何連詔江浙
行省丞相蒙古台江西行省左丞管如德名皆不起
廿六年春正月福建行省參政魏天祐復被旨集守
令戍將迫蹙上道迺行夏四月至京師不食死春秋
六十有四八月子定之奉柩還廣信明年九月葬其
鄉之玉亭龔原其門人誄而題之曰文節先生謝公
墓先生曾祖彦安祖一鶚考應璫潯州僉判妣桂氏

三續音賞

卷二十一 墓碑類

五八

封碩人先生諱枋得字君直信州弋陽人宋寶祐乙
卯薦于鄉丙辰試中禮部高等比對力詆時宰閣宦
奮不顧前後抑置第二甲第一人初潯州君以事忤
使者董槐被劾以死先生既第董槐執政竟不堂參
以歸丁巳名試教官調建寧府教授已未趙葵宣撫
江東西辟爲屬尋除禮兵部架閣令募兵援江上出
楮幣十萬貫得信撫義士數千人以應宣撫司罷賈
似道當國會軍興出入簿責任事者公毀家以庾不
足坐廢至元初長星竟天踰月我師壓江上宋社日
替江東漕司猶試士徵較藝先生憤賈竊政柄害忠

不輕爲貴
顯道何爲

良誤國毒民發策十問。撻其奸極言天心怒地氣變。民心離人才壞國有亡。語辭甚剴切。大佛買旨臺評。竟上其謗訕。鑄兩秩。與國軍安置。因謫所山門。自命。壘山。守令皆及門執弟子禮。丁卯以史館名。先生曰。似道。餽我也不。赴。閉戶講道。聞之者。翁如若。周岳熊。朝余安裕。楊應桂。余炎。謝禹莫若輩。皆知名介。然自將足跡不及權門里。中人行事或不循於理者。輒曰。謝架閣聞乎。有持兩爭必來質。平遣以理。無秋毫假與人意。人亦高其風。必自審乃進。非義者未嘗敢至其前也。乙亥。連以史館校勘祕書省著作郎。召牢辭。

三續奇賞

卷二十一

墓碑類

五九

授江東提刑總其兵以守饒信撫與王師戰輒敗不能軍遂易服負母走閩中隱于卜信守將悉捕公妻子弟姪送建康獄。夫人李氏有容德有廉帥者欲妻之一夕自經死。弟某某姪某某及一女二婢皆死獄中。惟二子廙之定之。移獄廣陵得釋。又有弟禹在九江亦以不屈斬于市。先生資嚴厲雅負奇氣風岸孤峭不能與世軒輊而以天時人事推宋必亡於二十。年後抗論儉宰老竭魔不售終不取合於時其爲人蓋如此及程公之薦報書。迺曰。弓旌招賢輪帛迎士有志經世者孰不興起及非其人非我皇帝夢卜求。

賢之初意也。觀其言，非徒決於剛憤者。少力學六經，百氏悉淹貫，爲文章偉麗卓然天成，不踐襲陳言宿說，論古今成敗得失，上下數千年，較然如指掌。尤善論樂毅、申包胥、張良、諸葛亮事，常若有千古之憤者。而以植世教、立民彝爲任，貴富賤貧，一不動其中。其言曰：清明正大之心，不可以利回；英華果銳之氣，不可以威奮；其自信率此類。先生之比也。貧苦甚，衣結屨，穿行雪中，人有嘗德之者，賜以兼金，重裘不受。平日所著易書詩三傳行於世，雜著詩文六十四卷。翰林學士盧公摯爲之序，引深所推激。夫人李氏，男三，義勇早卒，熙之歸自廣陵，亦卒。定之賢而甚，文累薦不起。孫男二，信、孫仁。孫先生死之二十有四年，門人虞舜臣率其徒築室，買田祠公。弋陽之東，江浙行省請于朝，爲疊山書院。又五年，予在集賢待制，悉易周應極狀其事，致定之之語，求銘墓道。嘗謂先生天下士，源道仰其文章風節，蓋四十年而不一識，是區區者尚何辭哉！銘曰：

嗚呼先生，生也何時，生也後時。日薄崦嵫，維南有孽。龜玉毀折，我朝天明。乃完其節，鷄鳴風雨。歲寒松柏，伊其板蕩。古有蓋忠道統，旣闕人文。斯一有美，翔鸞。

載鳴載集曷迪匪庭曷裸匪京萬里永天介石血貞
奚卒不施闕于佳城嗚呼先生

二續音賞

卷二十一

墓碑類

六十一



奚卒不施闕于佳城嗚呼先生

碑銘集曷迪匪庭曷裸匪京萬里永天介石血貞

故金尚書右丞耶律公神道碑 元好問

右丞文獻公在大定間所以爲通儒爲良史爲名卿材大夫者其事未遠當代耆舊尚及見之好問嘗從事史館每見薦紳先生談近代賢臣莫不以公爲稱首公自初入館即被顧問忠言嘉謀不可一二數及薊州召還世宗始有意大用公於是時汨沒文字間者餘二十年其衰且病亦已久矣故財入政府即乞罷未幾果以不起聞私竊慨歎以爲生材爲難盡其材爲尤難古之人急於拯世至於分陰爲惜歲不我與忽焉有賈志之恨觀姚元崇之薦張柬之與張嘉

三續音賞

卷二十一 墓誌類

十一

貞之所以自薦爲可見矣。世宗重惜名器百執事之人必擇焉而後用得人之盛近古所未有至於孤儻偉傑之士困於資考限於銓選百未一試兀然而空老者抑多矣以公之材當春秋鼎盛時不能使之極其所至以建久安而隆長治故雖爲章宗所相至論得時行道識者猶以不能亟用爲世宗惜之公諱履字履道遼太祖長子東丹王突欲之七世孫東丹生燕涼留守政事令婁國瓌國生將軍國隱國隱生太師合魯合魯生太師勣篤胡篤生定遠大將軍內刺內刺生銀青榮祿天夫興平軍節度使德元公之考

曰聿魯與平之族弟也公早孤養於興平五歲時嘗
夏夜露臥見天際浮雲往來忽謂乳母言此殆臥看
青天行白雲者耶興平聞之驚且喜曰吾兒文性見
於此矣自是日知問學讀書一過目輒不忘及長通
六經百家之書尤邃於易太玄至於陰陽方技之說
歷象推步之術無不洞究善屬文早爲時輩所推爲
人美風儀善談論見者懍然敬之嘗以鄉賦一試有
司見露索失體即拂衣去廕補內供奉班尋辟國史
院書寫素善契丹大小字譯經潤文旨辭達而理得
大定初朝廷無事世宗銳意經籍詔以小字譯唐史

三續音賞

卷二十一

墓碑類

五三

成則別以女直字傳之以便觀覽公在選中獨主其
事書上大家賞異擢國史院編修官兼筆硯直長改
置經書所徑以女直字譯漢文選貴冑之秀異就學
焉一日世宗召問公朕比讀貞觀政要見魏徵忠諫
恨不與之同時近世如徵者獨未之見何也公乃感
奮爲上言徵輩不難得時太宗不常有耳世宗曰卿
謂我不納諫耶卿識劉用晦張汝霖否二人者皆不
應得三品朕以其屢有忠言故越次用之朕豈不納
諫耶公曰臣自幼未嘗去朝廷彼二人者誠未見其
諫也且海陵杜塞言路天下緘口習以成風願陛下

懲艾前弊開忠諫之路以通下情則天下幸甚初議以時務策設女直進士科禮部以所學不同未可驟稱進士詔公定其事乃上議曰進士之科起於隋大業中始試以策唐初因之至高宗時雜以箴銘賦頌文宗始專用賦且進士之初本專策試今女直諸生以試策稱進士又何疑焉世宗說事遂施行十五年授應奉翰林文字兼前職以大明曆積微浸差乃取金國受命之始年譏乙未元曆云自丁巳大明曆行正隆戊寅三月朔日當食而不之食曆家謂必當改作而朝廷不之卹也及大定癸巳五月朔甲午十一

三續奇賞

卷二十七 雜類

李固

月朔日食皆先天丁酉九月朔乃反後天臣輒跡其差忒之由冀得中數以傳永久書成上之世推其精密十九年遷脩撰二十年詔提控銜慶宮畫功臣像以稽程降應奉踰年復爲脩撰轉尚書禮部員外郎章宗爲金源郡王以公該洽每以經史疑義爲質公承間請曰殿下注意何經章宗曰吾方授左氏春秋公曰左氏雖授經聖人率多權詐駁而不純尚書孟子載聖賢純一之道願留意焉章宗善之曰醇儒之言也二十六年進本部郎中兼同脩國史翰林脩撰表進孝經摘解言宋仁宗時司馬光以爲古文孝經

先秦所傳正得其真。因爲指解上之臣愚竊觀近世皆以兵刑財賦爲急。而光獨以童蒙所訓者進之。君正以孝爲百行之本。其至可以通神明動天地爲人君者。誠取其辭旨措之天下四方。則元元之民受賜溥矣。臣竊慕焉。故敢以爲例。世宗母睿宗貞懿皇后睿宗厭世。卽爲比丘尼。當時朝命嘗有國師之號。及是世宗議遷祔于景陵。朝臣有以孝寧宮碑所載遺訓當用出家禮葬不可違改爲言者。事下禮部講求。往時主上在潛貞懿身奉釋教業已受朝命。必當別莖無可議者。尚以人情所難恐傷主人孝心。故出明

三續音賞

卷二

真神頌

五

訓使之遵行。出於母慈灼然可見。本不知有今日之事。而然今則子爲天子。母后稱號不得不尊。國師之命固已革去矣。向使主上登極之後。貞懿萬福尊崇之數自有典常。母后聖性明達。必不重違有司之請。以桑門之教。以此言之。碑文所載不可質於今日。明矣。從之。世宗嘗問宋名臣孰爲優。公以端明殿學士蘇軾對。世宗曰。吾聞蘇軾與駙馬都尉王誥交甚款。至作歌曲。戲及帝女。非禮之甚。其人何足數耶。公曰。小說傳聞未必可信。就令有之。戲笑之間亦何須深責。豈得并其人而廢之。世徒知軾之詩文爲不可及。

臣觀其論天下事實經濟之良材古之古人陸贄而下未見其比。陛下無信小說傳聞而忽賢臣之言。明日錄軾奏樣上之詔。國子監刊行。俄以疾求解。世宗憫其勞。授薊州刺史。爲郡寬猛。適中。旬月之間。政聲藹然。此州寶坻鹽司所在。瀕海之民煎鹵而食鹽。官時以弓兵捕之。亦有平民被羅織者。一陷於禁。往往爲之破產。官吏疾其然。凡以鹽事逮捕者。一切勿遣。或捕得弓兵。則幽之獄中。鹽司隨亦取報前後數。政不能解。一日捕得弓兵。公召僚屬論以和解之意。即縱遣之。口授文移。遇爲謙抑。鹽官大爲感悅。前弊遂

三續音賞

卷三十一 稟碑類

六六

革薊人至今德之。是年車駕東狩。過州。聞公疾。稍平召爲翰林待制。同脩國史。明年擢禮部侍郎兼翰林直學士。進官五階。世宗不豫。詔公入侍。遂預太師。淄王定冊之功。二十九年春三月。章宗即位。進禮部尚書兼直學士。同脩國史。特賜孟宗獻。膺進士及第。初世宗遺詔移梓宮於萬寧宮。章宗詔百官議其事。皆謂當以遺詔從事。獨公奏曰。非禮也。天子七月而葬。同軌畢至。其可使萬國之臣朝。大行於離宮乎。上從之。乃遷座於大安殿。七月拜參知政事兼脩國史。進官兩階。公辭以才薄。任重。恐貽天下笑。章宗曰。朕在

東宮時熟卿名今觀卿言行無不可者故首命相朕
此自朕意非左右爲之先容卿其毋讓公乃拜命自
以兼直學士入拜乃舉前代光院故事以錢五十萬
送學士院學者榮之明昌元年進尚書右丞夏六月
丙午春秋六十一薨於位天子聞而震悼戊申權殯
於都城南柳村詔百官會喪中使宣慰其家賜錢二
百萬秋八月辛巳車駕臨奠宰相百官陪賜諡曰文
獻賜錢二百萬帛四百匹重幣四十端九月庚午葬
於義州弘政縣東南鄉先塋之側其發引也勅百官
郊遣使祭於路給鼓旗二十事以導詔同知臨海送

三續音賞

卷二十

墓碑類

六十七

軍節度使管護喪事凡飾終之具皆從官給哀榮終
始當世莫及積官正議大夫漆水郡開國公始娶蕭
氏遼貴族再娶郭氏岍山世胄之孫三娶楊氏名士
曇之女公以時制人子之養於諸父者不得別贈所
生父官故三夫人皆亦不爲請封子男三人曰奉國
上將軍武廟署令辨才曰龍虎衛上將軍贈工部尚
書善才曰領中書省楚才女三人嫁士族男孫四人
鈞鉉鏞鑄公資通敏善辭令智懷倜儻有文武志膽
酬酢事變若迎刃而解與人言必盡誠無隱得人一
善若出諸已至稱道不絕口推賢讓能力爲引薦後

生輩借公餘論多至通顯論事上前是非利病惟理所在未嘗有所回屈世宗朝御史大夫張景仁領國史公爲編脩受詔脩海陵實錄他日世宗問侍臣海陵弑熙宗血濺於面霑及衣袖景仁何爲隱而不書或曰景仁事海陵頗被任使故爲諱之世宗作色曰朕不謂景仁乃有是心公曰臣與景仁嘗有隙必不妄爲蓋蔽然景仁未嘗有是心也世宗曰景仁與卿何隙曰臣以小字爲史掾景仁以漢文爲史官予奪之際意多不相叶且謂臣藏匿遼史秩滿移文選部使不得調此私隙也今對上問公言也臣不敢以私

三續奇賞

卷三十一 藝文類

六八

害公世宗又曰隋煬帝弑逆血濺於屏史亦書之卿謂景仁無是心何不如隋史書之曰煬帝自諱其惡故史臣不載之帝紀而詳見於他傳此所謂闢而章者也海陵以廢昏爲辭明告天下居之不疑此不同也且與之弑君而不辭血濺之罪雖不書可也世宗怒遂解章宗朝太府少監字特里先爲漢王長史吏卒苦其苛暴誣以怨望語連漢王有司論當死公上封事言陛下飛龍之始當以親親爲先字特里之獄本出構成就使實如所論猶當以漢王之故宥之况疑似之間乎書奏即日原之初興平養公爲子後生

子震典平捐館悉推家資予之及震卒妻子貧無以爲資復收養之族人負人債而宦遊不返者公代爲輸息者十年旣又無以償遂代償之奉使江左得金直千萬皆散之親舊旬月而盡薨之日庫錢裁餘二千而已體素臞瘠一旦暴得吐疾登至委頓家人憂懼不知所爲冠曰死生如往來人之恒理何憂慰之有取吾冠服來服之怡然而逝其安常處順又如此晚稱忌言居士有文數百篇論者獨推其揅著說蓋不階師授而獨得之者癸卯秋八月中令君使謂好問言先公神道碑泰和末先夫人教授禁中章宗

三續青賞

卷三十一

墓碑類

六十九

以魏搏霄所撰墓銘爲未盡欲喬轉運宇爲之而不及也今屬筆於子幸而論次之以俟百世之下好問再拜曰謹受教乃爲之銘曰

德星煌煌出東方讓王七世蔚有光高陽苗裔襲衆芳得易貞幹書潛剛帝前巍冠講虞唐德音一鳴鳳朝陽謂公不逢相明昌謂公爲逢違所長風后力牧望顏行老之著作暨典常典興用公殆未嘗丘山萬牛償且匱顧以根闢待豫章繫國短脩奚我傷維公之息季獨良不周柱天屹堂堂有來殷士作裸將力挈一世歸壽康泝游推之公不亡千年萬家置冢旁

龜石有銘示不忘淵兮溱水其未央

三續音賞

卷二十一

臺碑類

七



有元古文之宗曰翰林學士清河元公以至治二年壬戌二月七日薨于位葬而墓碑未刻其長子奉議大夫同知峽州路事晦又死次子嵩七歲一女病而不嫁一孫尚乳也夫人清河郡夫人李氏纍然抱其孫僦船歸清河織紉以居賓客僚隸皆四散無一顧之者獨其友玄教大宗師吳全節謂馬祖常曰清河公以文起家可謂貴顯光榮矣而其塋之後無碑以載其官閥世次行事之實爾宜爲文我求善楷書者礮石以刻焉祖常曰嗟乎甚之士一得志則攘袂於

三續奇賞

卷二十一 文淵類

七十一

所親一不得志則襁嵬而不能生者比比也今子託跡老氏而以禮義之事振吾徒何能侈言以飾愧哉謹按公諱明善字復初資穎悟絕出讀書目所過即記諸經皆有師法尤深於春秋弱冠游吳中奮宋金季世之習已名能古文流轉江淮間浙東部使者薦之行省辟正安豐路學再正建康路學居歲餘行樞密院辟克令史故辨章董公上選實僉院事敬之如賓不以曹屬御之也董公遷江西行省左丞復羅致之省中會贛賊劉貴反從左丞將兵討之擒賊三百人議緩誑誤得全活者百三十人又將斬一賊命公

臨斬左丞曰掾儒生能臨斬乎當震怖矣終刑已色不變將佐白宜多戮人及尸一切死者用張軍聲公固爭以爲王者之師恭行天罰若等小賊跳梁殺其渠魁耳餘何辜焉賊貴盜書民丁十萬於籍有司喜欲發之公夜置火籍橐中焚之以滅跡贛吉遂安南行臺聞之亦辟爲掾未幾進登仕佐郎樞密院照磨轉中書省左曹掾曹無留事坐誣免不拜僑寓淮南文學益肆頃之坐誣事明復掾省曹至大戊申我仁宗皇帝養德東朝左右文化選天髦俊之士列在宮臣公首被簡拔授以直郎太子文學仁宗卽皇帝位

三續奇賞

卷二十一

墓神類

七十二

遷翰林待制承直郎兼國史院編脩官與脩成廟實錄明年與脩順廟實錄加奉議大夫是年陞翰林直學士朝列大夫知制誥問脩國史有詔命節書文譯其關政要者以進公請與宋忠臣子集賢直學士文陞同譯潤書成每奏讀一篇上必善之曰二帝三王之道非卿莫聞也太皇太后旣受尊號朝堂集議宜赦公曰數赦非善人福宥過可也乘傳出賑山東河南飢彭城下邳諸州連數十驛保馬民飢官無文書公專以鈔萬二千定分給之民免死徙皇慶壬子脩

武宗皇帝實錄明年遷翰林侍講學士中奉大夫預

識科舉服色延祐乙卯國家始策試士子選充考官
廷對又充讀卷官迅筆詳定試卷數語辭義咸委曲
精盡他人抒思者不及也改禮部尚書正孔氏宗法
以五十四世孫忌晦襲封衍聖公事上制可之參議
中書省事毗贊良多知戊午貢舉復入翰林爲侍讀
學士通奉大夫歲中拜湖廣行省參知政事便道過
家上冢鄉之父老子弟迎謁勞問禮意周洽庚申英
宗踐祚徵入爲集賢侍讀學士召至上都議廣廟制
授翰林學士資善大夫脩仁廟實錄百官迎仁廟聖
容云有卿雲見承詔爲文以紀之賜酒嘉獎英宗親

三續奇賞

卷三十一 墓埋類

七十三

祿太室禮官進祝冊葉請署御名上命代署者三參
過褒優近世無有也既薨之三月歸葬於清河王家
原之先塋西三里泰定間得請于朝贈資善大夫河
南江北等處行中書省左丞追封清河郡公諡文敏
曾祖諱興不仕曾祖妣楊氏二世以下皆以公貴祖
諱海贈嘉議大夫祕書卿上輕車都尉追封清河郡
侯諡貞惠祖妣高氏追封清河郡夫人考諱貢將仕
佐郎同管勾蘆瀝鹽場贈中奉大夫吏部尚書護軍
追封清河郡公諡孝靖妣弭氏追封清河郡夫人元
氏蓋拓跋魏之苗南北轉徙不知所系家清河者至

公四世矣。享年五十有四。其文有賦五詩。凡一百一十三銘。贊傳記五十九序。三十雜著。十五碑誌。一百三十出入秦漢之間。本之於六經。以涵泳其膏澤。參之於諸子百家。以聘其聿刻。而不見其跡新。而必自巳出。蔚乎其華。敷鑠乎其古聲。倡古學於當世。爲一代之文章者。柳城姚燧暨公而已。信乎其必傳也。雖然才用而未盡積厚。而施寡徵之於天。其善後也。無疑。祖常曩從公游。及公考士。辱第。下列義當銘。銘曰。於維公文。並古立大。沛厥辭世。莫躡震龍。警驥力不克。蜚聲天衢。名競競位。臻公卿。發軔跡。蘊而不施用。三續奇賞。

卷二十一 墓碑類

七十四

弗極神柅。其馳學乃碩。天藻揆。濬琢圭璧。五十四年

返玄宅

領太史院事楊公神道碑

姚燧

嗚呼有秦君子楊公諱恭懿字元甫其先始鄉耀之同官中避宋亂徙美原五世祖儀徙今京兆之高陵與高祖亨再世力田曾祖植祖禮再出仕縣吏考天德擢金典定進士第由傅之聊城丞掾陝西行臺權大理寺丞主京兆長安慶陽安化簿辟令順德之隆德及安化而安化兼錄事州之判官三職具脩積官中大夫其德其烈有先師司徒許文正公墓誌言章宗南郊爲太常臣授幣而立御史將劾不恭其友曰夫夫習於禮者各行祕書蓋從而問曰授坐不立御

三續奇賞

卷二

聖朝類

七十五

史慚縮而止太常則孫公通祥實公外王父公以正大乙丙生于其居京兆之雙桂坊童而讀書記識強敏日數千言時艱從中大夫逃亂而東不恆其居于汴于歸德于天平雖間關險阻未嘗怠弛其業年十七侍中大夫西歸無田于郊假室以居鄉鄰或繼其匱皆謝不取惟服勞以爲養暇則力學綜博於書無不經目而究心者搢衣之徒戶外滿屢橫經入問爲析疑義源源其躡若決江河而下之名聲日延海內縉紳友太中者馳書交譽知之庸者求觀其文侈其肆者以爲鱣堂之席有繼與其極者直期以宗盟斯

道於將來時已遠易禮春秋思有纂述恥爲章句儒
而止志於用世反覆史學以監觀廢興存亡理亂得
失於千數百年之中曰輔治之具禮樂兵刑禮樂非
王者果爲不可興行於天下兵恃以芟暴亂而安元
元刑取其弼教循本以求皆仁義之資也不講之有
素或一旦帥三軍爲士師貿貿焉不知其方反受成
教武人俗吏乎事雖未試從可槩見其佐王之略年
二十四始得朱子集註章句四經太極圖小學近思
錄諸書誦其言而推其意嘆曰人倫日用之常天道
性命之妙皆萃此書今人德有其門矣進道有其途

矣吾何獨不可及前脩踵武哉窮理以致其知反躬
以踐其實動靜云爲一乎持敬行之以剛健居之以
悠久日就月將俟其成功於潛齋之下自任益重前
習盡變不事浮末矣歲甲寅司徒奉潛藩教來秦公
往見之際其道德之光聞其仁義之言於傾蓋頃歸
心服曰世烏有斯人之倫敬事猶師而司徒友之亦
至分庭而行抗席而坐一週講貫動窮日力而所造
益深平居詎于爲言喪中大夫絕口水漿五日喪塋
用牲盡桑門惑世之法爲具不足稱貸益之棺槨皆
黃腸衣衾必緇疏衰資粥悲憂爲疾杖始能興司徒

會葬歸語學者曰小子志之曠世墜典夫夫特立而獨行之其功可當肇脩人極聚居六年司徒東歸喪妣夫人猶中大夫其疾益貼三輔士夫知由禮制自致其親者皆本之公先是宣撫司行省欲以掌書記共議事祿之皆不可屈至元七年詔司徒由國子祭酒拜中書左丞始與右丞相安童共政日譽公賢丞相以聞十年上遣協律郎申敬來召疾不能行十一年儲皇下教中書汝如漢惠聘四皓者其聘以來故丞相第今國王和童勞其遠來他日入見上問何鄉

三續音賞

卷二王墓碑額

七

先德爲誰從何師學子今有幾無不周悉其夕嘔血上遣尚醫來候且賜之藥少間明年月正元日之翼日上御香殿以大師南伐使久不至方念之深欲筮之時以日者待詔公車百十爲輩獨以命公蓋以其道德素著可交神明者其言頗秘侍講徒單公履請設取士之科詔先少師文獻公司徒竇文正公與公雜議公上奏曰三代以德行六藝賓興賢能漢舉孝廉兼策經術魏晉尚文辭而經術猶未之遺隋煬始專賦詩唐因之使自投牒貢舉之法遂熄雖有明經止於記誦宋神宗始試經義亦令典矣哲宗復賦詩

遼金循習將救斯弊。惟如明詔。嘗曰。士不治經學。孔孟之道。日爲賦詩。空文。斯言足立萬世治安之本。今欲取士。宜勅有司。舉有行檢通經史之士。使無投牒自薦。試以五經四書大小義史論時務策。夫旣從事實學。則士風還淳。民俗趨厚。國家得識治之才矣。奏以上善之丞相。每咨世務。倚以自毗。會其北征。公遂請畢男婚而歸。十三年詔改曆。太史王恂總筭。同知郭守敬推測。司徒明曆理。或言公嘗推曆終一甲子而得日月薄食者七十有奇。曰。日月之眚。古無是之多也。十六年召公著曆義。十七年授時曆成。奏曰。黃

三續奇賞

卷三十一 墓神類

七十八

帝迎日推策。顯頊載時象。天堯之欽若。舜在璣衡。周太史正歲年。以序事。皆日官世守其業。隨時占考。以與天合。暴秦焚書。廢古。僞作置閏歲。終兩漢。因之。建曆之本。必先立元。元立然後定日法。法定然後度。周天以定分。至賈逵譏其守一元。不與天消息。社預謂當順天以求合。非爲合以驗天者。皆確論也。臣今治曆廢曆。元日法析舊儀。六合三辰。四遊而異之。省天經黃道。惟用四遊。移天常赤道。遊於南軸之下。以取候視之無窒。倍入尺之表。而五之以影符。進退其晷。使不失于芒忽。日日測考。積月爲歲。積歲爲世。必於

曆法益精益密非但正數十年一改之弊且可上追黃虞三代之舊矣又曰一月之始日月相合謂之合朔漢太初曆用平朔法小大相間或有二大以故日食或不在朔先後一日時亦鮮中宋何承天測四十年得三大二小以正朔望使食必在朔隋劉孝孫劉焯爲定朔唐傅仁均取以造戊寅曆貞觀竟改從平朔李淳風造麟德曆得四大三小求避人疑間以平朔又爲進朔使食避元日一行造大衍曆以爲四大三小何害今授時曆後是二年當十九年自八月後四月併大實日月合朔之數皆改從實方奏太史臣

三續青賞

卷二

嘉祿類

五九

皆列跪詔獨起司徒及公曰二老自安是年少皆受學汝者故終奏皆坐畢其說亦異禮也授集賢館學

士太中大夫兼太史院事明年以徒家得請歸又明

年備皇俾靈臺郎岳鉉召後中書議相承旨李濤備

皇不可以公爲識治再召又明年詔翊儲皇以爲太

子賓客二十二年召明年以昭文館大學士正議大

夫領太史院事召二十九年以耆艾議事中書召皆

疾辭不行三十一年疾亟親賓問之忽長息曰有是

哉國哀也聞者危之亂以他言徐又曰誠哉後三日

顧言子實曰敬慎小心以率實正月二十有五也

後嗣位詔下則賓天果以其日人以爲平生與國至誠所格嗚呼使入哭者有如溫公則公當亦如呂晦起言天下事矣徵士蕭欒誌其墓曰朱文公集周程夫子之大成其學盛於江左北方之士聞而知者固有其人求能究聖賢精蘊之蘊篤志於學真知實踐主乎敬義表裏一致以躬行心得之餘私淑諸人繼前脩而開後覺粹然一出乎正者維司徒暨公嗚呼誠知德不易之言哉後十年寅以江南行臺監察御史疾得告去自金陵過宣以燧少受知公而耳其雅言求銘墳道然所貴乎君子三焉耳德耳位耳道耳

三續奇賞

卷二十一 墓碑類

八十

得於心之謂德用於時之謂位行其學之謂道如剡之言同其德矣未及位也以年考之司徒之生前公十有六年入見前十有四其卒也前十有三而卒官皆昭文館大學士領太史院事同其位矣然是位也皆極人臣之亞爲古八命位實行道之鉉謂不得君知名而召旣至則溫其玉音以勞疾則尚醫交候饋藥太官繼膳凝政賜問入見坐語聞辭則留留而不可暫聽其去去而思之復召司徒十召公八召其體貌之亦至矣哉如是而兩公迭爲循墻不可謂道之行亦天也雖然天道遠邇不可以已事而知必來者

始見猶農夫馬未有播粒於土而不苗者今也四海
匪獨士子凡筐篋之吏求售於時其誦而習亦先四
書蓋天理同根人心誦其言而衆則爲其道者將多
非兩公肇是太平之基其誰力歟斯古之人所以重
歎其善作而不必善成者也公以卒年三月從塋中
大夫之昭文有潛齋遺藁高祖妣齊氏曾祖妣皆
紀氏妣寇氏孫氏夫人李氏以柔嘉作配君子姻里
德焉三子寅其胄也宙今令京兆蒲城宏方學女子
子四人適主京兆長安簿席貽士子馮嘉鳳翔提控
按牘王繼述樞密院祿傳昱男孫僖女子子二人長

三續奇賞

卷二十一 墓碑類

八十一

適呂曾幼姆銘曰

維天生賢匪使自有俾拯烝民爲責已厚公於明命
實肩實負乾乾其行良良其守師古喪祭如禮不苟
三綱之淪我條自手推得其類無倦誨誘學者宗之
西土山斗鳶飛魚躍潛齋自諫令聞之延已徹宸甍
東帛戔戔賁及林藪丹宸曰來何暮汝叟大師之南
併斷已久其宜進退汝著以叩又曰多士文字儷偶
求得碩才奚策以取又曰歷義群喙紛糾汝折衷之
其從謹某凡是大政無不可否公拜稽首瀝膽悉剖

丹宸曰憶惟茲儲后端本萬邦汝賓以友儲后曰今

識治貴者惟汝爲可壯股元首公益抗章臣蚤衰朽
養安踰紀僅止中壽歸從先藏奉政之阜止肝有碑
無我樵想垂詩千齡以告爾後

唐贈范陽大都督忠烈公李愬神道碑銘

楊炎



三續音賞

卷二

墓誌類

全三

終

西土山半... 宋帛交... 浮斷已久... 養妻... 端...

奇賞齋廣文苑英華卷之二十二

史官陳仁錫明卿甫評選

碑類

唐贈范陽大都督忠烈公李公神道碑銘

楊炎

秦霸也，張祿去魏，漢興也，淮陰離楚，龍鳴風雨之會，蛇變泥蟠之中，透迤感通，精氣相合，斯冥契也。豈人力也。皇唐贈司空范陽大都督李公諱楷其本出於隴西八代祖節後魏鴈門太守燕齊之亂族沒鮮卑東遷號良將之家，北部實大人之種，其生渤碣其居

三續音賞

卷二二碑類

一

戴斗海塞迴抱興公之氣天星下直為國之祥英氣混茫熊據龍驤望其形得山河之狀觀其銳見金鼓之威神明為徒義勇為器久視中以驍騎歲入于遼西臨太原南震燕趙雲火照于河上，天兵宿于北門，朝廷憂之有命招諭合以信誓際于天人，詔言感寤撫劍歎息是歲以控弦之七，百騎垂橐入塞解甲來朝以其本枝復賜李氏授玉鈴衛將軍左奉宸內供奉圖形雲閣之中，置酒蓬萊之上，君臣相賀，羽衛生光，君子曰井谷不可以游龜龍蟻垤不可以戴松栢，漢於是始靖，虜於是始憂，是後磴鞮鞞于鴨綠之

野覆株胡于榆關之外北出障塞懷其王庭南救河源復其死地石壑之役以一旅定三軍冷陪之師以虛聲破精勁東封之歲外將天軍河湟未寧西護監牧雲麾鐵騎山動地踴右據清海北登狼山冰泮則會師風高則出塞皇威振于四海王化敷於無外故得大命三錫天馬駘驟定國難者兩朝拖侯服者四紀會兵車者百勝出帳下者千人國有事未嘗不動勞無私可謂知禮於戲天道賤昧胡星未殞以營平之年不終大用以伏波之病再出窮荒天寶元年五月二十日自河源薨于懷遠縣之師次春秋六十七

三續青賞

卷二十二 碑類

二

贈營府都督明年詔塋于富平縣壇山原維公智之大竇神之異門心和體剛慮遠精微思乎耳目之外行乎變化之中震呼戎獯嘯叱風雲貌虎之悍以禮成百萬之強以謀勝故鮮卑因之以疲中國天后取之以空大漠於中宗開朔方之地四百里於睿宗食佐命之邑三千戶於玄宗則主禁衛吞諸戎東西南北動罔不尅禦戎安邊凡十命焉祚于後也元子太尉中書令東都河南江淮等道副元帥臨海郡王光弼少子太保御史大夫渭北鄜坊等州節度使武威郡王光進負河圖以列四星遇英主而當三傑肅宗

之功復區宇更爲桓文。今上之道訓華夷並爲召畢。
乾元中天子以公炳德丕赫積仁流慶大福再成沒
而不朽乃命太常追考功績謚曰忠烈贈司空范陽
大都督夫人贈號韓國夫人於是建廟堂命宗紀室
有山龍之服樂有鍾石之和昭宣令圖是有銘篆銘
曰茫茫上象降精于北是生純臣在異國矯矯府君
蔚其英靈屹躡斗極鵬化南溟來于本邦會此天庭
風驅虎旅晝食狼星綿綿塞草天隔華夏北距陰山
野無胡馬殊勲大績玉劍玄衽天摧武庫海折崑崙
在昔遺慶惟魯臧孫曰聖在天勤于至道旣命太尉
下寵明神彼丘之榛此之磷悠悠令德萬古清塵

又崇太保一門四龍二作元老赫赫元老氣含清真
白髮重冠高堂有親帝命韓國祚于夫人亦詔薊丘
下寵明神彼丘之榛此之磷悠悠令德萬古清塵

河西節度副大使鄯州都督安神道碑

張說

公諱忠敬字某武威人也軒轅帝孫降君弱水安息王子以國爲姓世高之達漢李自河南而適遼東高陽之受魏封由陰山而宅涼土高陽王岡生尚書左僕弔河澗公原昭其河澗生建節將軍西平公纘徒正西平生龍驤將軍黃門侍郎廣宗侯薛昭徵累葉勲華載於魏史高祖何藏器廣宗之子也周開府儀同三司寧遠將軍肅州刺史張掖郡公會祖羅方大隋開府儀同三司皇朝贈石州刺史貴鄉公祖興貴

三續奇賞

卷二二 解類

四

右武侯大將軍涼州刺史徙封榮涼歸三國公考文生不仕涼公皇運經綸首平李軌大舉河湟之地遠通城郭之國寵錫蕃庶冠絕等彝水出渥洼之神文馬者二千乘山得崆峒之曳朱輪者四十人公育榮盛之門鬱豪爽之氣孝友天至清華王立幼聚童兒必爲軍陣之戲長交英俊唯談韻畧之書始以良家子僕射常公待價引於帳下安息將建奇績解褐授游擊將軍臨洮府右果毅復以善部統御史大夫唐休璟處之前鋒洪源谷立異郊遷右威衛翊府右郎將兼新泉軍使進本衛中郎將赤水軍副使兼赤水

新泉兩軍監牧改會州刺史營田使換松州都督防禦使遷左司禦率兼河西節度副大使臨洮軍使轉鄯州都督使如故其在軍州傾心下士視人如子無約而親附不言而條理其在農牧大田多稼如茨如梁思馬斯材有鬪有皇輸力四朝歷官三紀名參禁衛身任疆場以靜惣繁以逸待寇我無亾鏃之費敵有不戰之屈茲所謂一方之于城者也享年六十有六開元十四年十一月二十八日寢疾終於位知與不知莫不隕涕十五年某月塋於烏城之南志公鄉附先塋也公寬以御衆卑以自牧直而無訐廉而無

三續音賞

卷二十二 碑類

五

劇朋友不聞臧否之言家人不見喜愠之色加以心淨三業躬勤八戒推是而行何往不濟初甘州有舍利涉多禪師道場之因果也嘗云擅越德克於內神護於外雖冒鋒鏑永無害也及百戰之後啓手歸全西州士人聞之激勵有子仲璋如璋季璋金璋重璋庭襲芝蘭喪過樂棘敬奉寔窳僻禮儀於文武撰述家風刻功勳於金石詞曰玉關氣爽金波秋徹涼野蕭條寒山積雪授靈產義精勁才傑孝固純深忠惟剛烈負羽從軍奮飛青雲麾幢按部惠流時雨惣軍扶郡入文出武三十年間式遏戎虜疆場務靜非公

莫鎮金鼓氣雄非公。謨震神山。喚飲龍池。取駮霹靂。
陷營衝風。入陣勇將。知時仁兵。善持反耕。去戰王者。
之師。牧馬如雲。屯瘦如坻。西軍方壯。東首長辭。振古
同嗟。沒而不效。所謂明德。未傳神理。鍾鼎題門。珠玉
名子。信言豐石。令聞不已。

三續齋賞 卷二十二 碑類

六



同對對而不來。進前則辭求。南極聖。鼓驛。戲門。卷五。
本前。郊。湖。映。雲。事。與。飛。翠。西。軍。方。壯。東。首。長。辭。振。古。
同。嗟。沒。而。不。效。所。謂。明。德。未。傳。神。理。鍾。鼎。題。門。珠。玉。
名。子。信。言。豐。石。令。聞。不。已。
莫。逾。金。爐。旅。旅。長。公。莫。靈。睡。山。與。燈。鮮。山。飛。翅。霖。雲。

唐故河東節度觀察使滎陽鄭公神道碑

韓愈

河東節度使贈尚書左僕射鄭公塋在滎陽索上元和八年六月庚子太史尚書比部郎中護軍韓愈刻其墓碑曰司馬氏遷江南有鄭謩者仕慕容垂國爲其太子少保其孫簡當拓拔魏爲滎陽太守後簡者號其族爲南祖南祖之鄭入唐有爲利之景谷令者曰嘉範于公爲曾祖是生撫俗爲泗之徐城令徐城生公之父曰洪卒官涼之戶曹參軍公諱儋少依母家隴西李氏舉止異凡兒其舅吏部侍郎季卿謂其

三續青賞

卷二十二碑類

七

必能再立鄭氏稍長能自課學明左氏春秋以進士選爲太原參軍事對直言策拜京兆高陵尉考府之進士能第上下以實不姦樊僕射澤以襄陽兵戰淮西公以參謀留府能任後事戶曹殯于涼涼地入西戎自景谷徐城三世皆未還滎陽塋公解官舉五喪爲三墓塋索東徐城墓無表公能切長哀感心求不置以得舊人指告其處其後爲大理丞太常博士遷起居郎尚書司封吏部三郎中能官舉其名德宗晚節儲將於其軍以公爲河東軍司馬能以無心處嫌聞卒用有就貞元十六年將說歿卽詔授司馬節節

度河東軍除其官爲工部尚書太原尹兼御史大夫
北都留守公之爲司馬用寬廉平正得吏士心及梟
大帥持是道不變部將有困貴人求要職者公不用
用老而有功無勢而遠者削四鄰之交賄省媵嬖之
大燕校講民事施罷不埃日用能以十月成政氓征
就寬軍給以饒十七年疾廢朝夕八月庚戌薨享年
六十一天子爲之不能臨朝者三日贈尚書右僕射
卽以其年十月辛卯塋索上疾比薨醫問交道比塋
弔贈賜使者相及凡河東軍之士與太原之氓吏及
旁九郡百邑之鰥寡外夷狄之統於府者聞公之薨

三續音賞

卷二十一 神類

八

皆哭曰吾其如何公與賓客朋遊飲酒必極醉投壺
博奕窮日夜若樂而不厭者平居簾閣據几終日不
知有人別自號白雲翁名人魁士鮮不與善好樂後
進及門接引皆有恩意始娶范陽盧氏女生仁本仁
約仁載皆有文行二季舉進士皆早歿仁本爲後子
獨存不樂舉選年三十餘始佐河陽軍後娶趙郡李
氏生三女二夫人凡三男五女長女嫁遼東李繁繁
亦名臣子有才學遺命二夫人各別爲墓不合塋系
曰士常患勢卑不能推功德及人常患貧無以奉所
欲得若鄭公者勤一生以得其位而曾不得須臾有

焉雖然觀其所既立其可知已嗚呼哀哉

三續音賞

卷二十二碑類

九



周兗州刺史廣饒公宇文公神道碑

庾信

唐朝以元凱並進十有六人周室以昭穆先封十有五國發源纂胄葉派枝分開國承家珠聯璧合是用克明俊德思皇多士盛德有後公其裕哉公諱常字子元豫州滎陽人也周宣中興然後樹賢建戚鄭武有國然後保姓受氏荆衡之賦千乘莫敢加兵虢會之封十城翻爲獻邑况復郊門致騎先迎內史之賓南宮旦朝獨識尚書之履祖思慶建威將軍山陽太守建威取曹仁之號可以定名山陽有王暢之賢足

三編音賞

卷二十一

碑類

十

觀風俗考頊銀青金紫方於溫羨傳祇鎮南征東北於劉弘荀顗報功之册則槐路是儀贈行之典則荆河惟牧公弱齡早惠幼志夙成立必正方言無勸說青衿智勇卽埋雲夢之駝童子仁心已愛中牟之雉始遊庠塾不無儒者之榮或見兵書遂有風雲之志出忠入孝事盡於心修身立名理窮於性大統三年起義華陽先登廣武浮潛逾沔入渭亂河蒙授永安縣開國男輔國將軍自爾長從太祖入爲帳內都督河橋接戰秋水則三月不流洛城揮鋒金墉則一月路斷西京不賓羗戎侵軼城如飛鳥地有伏龍公以

金僕裁抽靈銚，擧峰目已奔狼心。遂革遷辛東，將
軍帥都督十五年。襲父封魏昌縣開國伯，傳大都督。
魏後三年，授使持節、車騎大將軍、儀同三司。黃權受
詔嘉其入魏之功，實憲當官賞其平戎之策。公之此
授勲庸著矣。進爵廣饒縣開國公，邑五百戶。保定二
年，授都羅州諸軍事、羅州刺史。仍領金州兵馬。應接
上庸，公於文谷路溪澗崢嶸，巖崖豁嶮，山窮水斷，馬
束橋飛，中埽旣開，雙城卽欵。徃者申息盡掩，江黃無
援。潯陽極浦，亟犯風塵。夏首西浮，頻遭鋒鏑。公以伏
波受賑，樓船誓衆，入橫江之陣，進下瀨之兵。越客文

三續奇賞

卷二十一碑類

十一

身湛盧終去，吳人長鬣，睒臙遂遠。建德四年，授使持
節、開府儀同大將軍、公孫敖下光祿之塞，諸葛誕勒
九都之山，公之處焉。差無慙德，四方雜俗，天下殊風。
以君廉能使乎觀察，馳傳擁節，揚於持斧。旣乘驄馬，
仍被繡衣，群盜累足，貴戚歛手。鄉亭留宿，幸無歸忌。
之疑公車，奏事寧有反支之日。是使陽球司隸，無所
申威。鮑恢都官，因人成事。高祖武帝，以仲春誓衆。
甲子濟河，公仗劔六軍，披圖八陣。譬彼張遼，前鋒而
報魏主。方之耿弇，先戰而待蕭王。及乎九州，迥同四
隩。旣宅遂得功，參勇爵名入司勲。授上開府，增邑五

百戶加以舉功行賞推恩分邑兼乘而反光乎譙郡
之城載寶而歸照於臨漳之水卽日賜姓宇文與國
同族婁敬上書於鹿輅項伯舞劍於鴻門公之此榮
足爲連類以公績著屯險誠貫風霜其年授使持節
督東徐州諸軍士事徐州刺史宣政元年授都督南
兖州諸軍事南兖州刺史作牧濟河風行於雷澤建
旄海岱化被於淮沂檐帷入境貪殘者解印冕旒從
政仁義者郊迎豈直白石開渠青鹽換粟祥雲入境
行雨隨軒而已哉在任遘疾薨于方鎮百里嵩監御
斯牧賢能刺史荀中郎連率此則中興方伯英聲茂

三續奇賞

卷二十二 碑類

十一

實公之有焉詔贈某官謚某公禮也以大象二年十
一月十日歸塋于滎陽之某山舊墓九原悽愴趙文
子其何言駟馬悲鳴滕成公其已遠若夫勒鼎刊碑
銘功頌德陳其令範必在生前嗟乎此之樹碑異乎
洙泗之水此之勒石異乎燕然之山嗚呼哀哉乃爲
銘曰高陽之子少典之孫蒼林遠遘若水遙源公侯
復始鍾鼎逾繁承基纂冒建國開藩我壯我武旣公
旣侯縑衣出鄭卿士歸周魚陵北上滎澤東流河移
酸棗雨粟陳留祖守南邦考鎮東部兩龜迴甲雙馳
結綬日察陰風星占長柳是日世載其名不朽事親

之道孝以立身事君之道忠以立仁今君嗣德一此
君親如松之茂如竹之筠功叅荆棘職主兵戈北臨
青嶺南通白波直雲橫塞長星渡河陳開沙斷師移
龜多舉功行賞封疆受位宮室鏤珪山河分地決勝
千里謀深計秘建武功成名連星次建旗濟潔擁節
龜蒙旣蠶桑土實撫梧桐野無異器河無別風吳亭
楚壁莫敢彎弓倏忽身世俄然松檟路轉銅魚山迴
石馬武侯之廟樂公之社望此高碑悽然淚下

唐恒州刺史建昌公王公神道碑

楊炯

王氏之先代爲佐命秦之霸也則王雖滅楚國而三
衛漢之興也則王陵誅項籍而五侯同拜南陽定命
應圖讖而作司空西晉聿興合詞證而濟天下昔者
伊尹伊陟但保乂於商朝太公桓公唯夾輔於周室
蕭何之後居食祿而無聞鄧禹之孫在當塗而不嗣
未有夏殷三統金木五遷册命重光軒裳代襲則我
瑯琊之郡有冠蓋之里乎建昌之縣有公侯之子乎
公諱義董字元稚其先瑯琊臨沂人也永嘉之末徒

三續齊賞

卷二十一 碑類

十四

于江外皇運之始遷于五陵今爲雍州萬年人也祖
僧興齊會稽令梁安郡守南安縣開國侯祿位千石
珪符五等營室迴於羽儀山河入於盟誓父方賒梁
正閔主簿伏波將軍梁安郡守隋上儀同三司以惠
和之性有文武之才伏波將軍從征等於馬援儀同
三司開府均於鄧騭家餘積慶郡不乏賢代臨本州
則元賓之父喜形於色繼爲本守則張翕之子送者
如雲自齊國遜位於梁庭及隋人內禪於皇室夏禹
之鼎寶命集於周朝御龍之家世祿歸於范氏公台
階茂緒昂宿精靈五百歲之賢才一千里之皇佐忠

作良規武節學府詞林元方闡門敬其有德少游鄉
里稱其善人實惟清廟之器是曰皇居之寶韻諸金
石奏虞庭之八音德合珪璋列塗山之萬國黃河一
曲之水莫測其源赤城千丈之巖未階其峻群童忽
聚綴帛而引旆旗父老相呼授履而傳兵法隋授左
勳衛率非其好也漢東離拆海內風塵天子溺於膠
船諸侯問於金鼎能扶天下之危者必據天下之安
能除天下之憂者必享天下之樂我高祖神堯皇帝
就之如日望之如雲發三河之雷電平四海之膺象
武王之仗黃鉞一月臨於孟津高帝之執朱旗五星

三續音賞

卷二十一碑類

十五

會於東井公瞻烏于屋射隼于墉陳平則間行而去
楚酈生則長揖而歸漢奉符繫組觀軹道之降玉屢
武修文見山陽之散馬初拜車騎將軍稍遷右屯衛
將軍錄有功也考於周典崇德報功稽於春秋策勲
舍爵車騎萬隊備京土之羗戎衛軍于兵掌京師之
屯禁于時天下初定邊方未輯二十八舍尚有吳越
之妖氛一十三州猶積東南之殺氣武德四年詔公
爲江南道招討使鼓琴而送受命而行乘使者之輶
車掌行人之旌節陸賈至於南海先責尉佗隨何入
於九江卽徵黥布詔除泉州都督封建昌縣男食邑

三百戶斗牛星象舜禹精靈境接東甌地隣南越言
其實利則瑋瑋珠璣叙其風俗則丹雞白犬公門容
駟馬位列三刀防蕙苾之說嫵絕簡書之流謗豈知
廣州清節酌貪泉於石門合浦神君返明珠於漲海
貞觀三年詔還散騎常侍行果州刺史授期天帝肇
跡人皇南克國之舊都西巖渠之古邑岡巒紛糾天
彭雙闕而作門珠貝浮沉巴水三廻而成宇公入叅
師友出居方伯金蟬百貂朱旗曲蓋纔臨蜀郡卽聞
來暮之謠初踐益州已聽中和之樂七年詔遷銀青
光祿大夫行恒州刺史西街畢昇北岳恒山天開太

三續音賞

卷三十一碑類

十六

一之官地列并州之鎮境分靈壽魏將樂羊之所封
邑對行唐趙王惠文之所築公政成暮月風行萬里
鄧晨一郡漢帝稱爲主人李廣數年匈奴號爲飛將
行嘗計日郭伋不負於童兒郡異中平三觀無私於
任子旣導德而齊禮亦勝殘而去殺三禾在殿將拜
鄭弘鴈鴈隨車坐悲虞國享年若干以十五年冬十
一月二十五日薨於洛陽之清化里公家傳將相世
有忠貞屬離亂之弘多值風雷之草昧河宗兩日負
鼎而謁成湯渭水七年垂釣而逢西伯將軍再命刺
史三遷仲暘樂巴牧人之良翰龐參虞詡將帥之宏

規立事於當年揚名於後代兄國印穀州刺史弟國
稀仁州刺史荆枝擢秀棟萼生光何止平輿之二龍
是爲賈家之三虎唐虞之際四岳分居趙魏之間八
男爲郡公雖勲叅締構位惣班條金友玉昆良田廣
宅而能吐食下士倒屣迎賓無笑客之美人有拜賓
之童隸策名委質善始令終生當封侯克成丈夫之
志歿而可作無忘事君之道越十六年二月二日塋
于伊闕縣之萬安山詔賜雜物百段給儀仗往還禮
也亭連長樂城枕高都守闕塞者汝寬適伊川者辛
有北瞻洛汭尚想元亮之境東望邢山依然國僑之

三續奇賞

卷二十一碑類

十七

基夫人楊翟縣君河南褚氏卽太常卿楊翟康侯亮
之女中書令河南郡公遂良之妹也宋公子之流派
褚先生之苗裔弘夫人之禮傳淑女之詩有文在手
歸於魯國有鳳和鳴適於陳氏邑之石窰縣以封丘
夫尊於朝妻貴於室仙人暫別初悲寡鶴之聲寶劍
纔分終合雙龍之氣以某年月日薨於某所越某年
月日祔建昌公之舊兆長子師本太穆神皇后挽襲
郎建昌公歷韓王府祭酒岐州司士叅軍定州安喜
縣令譽聞州里學富丘山以卿子而爲郎以象賢而
開國朝遊楚澤暮宿燕宮東臨石柱雍爲積高之地

右會長星唐是中山之邑出遊隣國不以陪臣見朝
上謁邦君不以屬官相待洛陽朝覲適見鸞鳥東都
墓田行悲駟馬以年月日終於其所越某年月日卽
陪塋於先兆次子師表左千牛備身遷尚輦直長歷
許州臨潁博州堂巴滄州樂陵涿州萬安果州西克
五縣令能傳祖業克嗣家聲有言偃之文章兼伸由
之政事晨陪紫極繞鈎陳之六星旦奉黃麾屯玉車
之千乘至若繁昌土宇魏文帝之壇壇堂邑隄封漢
陳嬰之侯國河分九道渤海東臨江派五津崑崙北
指莫不愛人以禮爲政以德鍾離意之禁暴不用尺

三續青賞

卷二十一 碑類

十八

乃公孫述之有神能持五縣次子師玄雋州都督府
臺徵縣丞次子師楚夔州都督府雲安縣令芝蘭有
秀羔鴈成行滇北數十尹莫大邛都之縣邑東七百
里雖有巫山之峽言其縣職黃龍入於闕門叙其宰
人鸞鳥翔於學舍咸能生盡其孝喪盡其哀積粟萬
鍾思負米而何得攘題三尺泣吾親而不見十其宅
兆麟鳳匝其岡巒陳其簠簋春秋變其霜露思傳舊
德式建豐碑戴安道作頌於鄭玄蔡伯喈披文於郭
泰魏武王讀而稱妙非所望焉夏族堪見而陋之固
其宜也銘曰厥初兮后稷導生人兮知稼穡降及文

玉精翼日兮衣青光平東遷兮邾郢晉上賓兮帝鄉
秦三將兮繼代漢五侯兮克昌比狼山兮峻極等淮
水兮靈長惟祖考兮萬盛佩金璋兮疊映彼山川兮
降靈生玉樹兮青青成張良兮昂宿乘傳說兮箕星
出忠兮入孝武緯兮文經陳嘉謨兮制千里摘藻思
兮揆天庭有階兮喪亂土崩兮瓦散皇運兮權輿人
神兮攸贊值笙鏞兮變響屬天地兮貞觀河兩日兮
事殷井五星兮歸漢帶長劔兮臨躡擁幡旌兮照爛
周命兮惟新雲雷兮尚屯控東南兮荒景負江海兮
未賓陳禮樂兮命使動輜車兮犇犇用蛇符兮澤國

三續青賞

卷二十二碑類

十九

頌武節兮山人專一方兮革面重丸譯兮稱臣天垂
兮星紀地連兮交趾山草樹兮潛移蜃樓臺兮鬱起
遷合浦兮太守爲廣州兮刺史臨漲海兮明珠飲石
門兮貪水侖冲天兮八翼代出身兮萬里全蜀兮奧
區枕叩笮兮倚巴渝有靈臺兮古跡有克國兮舊都
豐貂兮左珥介士兮前驅濬三刀兮持節昌兩日兮
剖符降鳴鳩兮大夏聘神馬兮長衢畢昂兮分野蘭
堂兮四下漢皇帝兮國都耿將軍兮壇社若恒山兮
詔鄧猶朔方兮命賈李北平兮漢飛郭并州兮竹馬
瞻太階兮坐躡惜天年兮不假伊天姓兮潁川有美

人兮嬋媛桂生兮因地女嫁兮因天見乘龍兮奕奕
觀飛鳳兮翩翩知遠瑗兮有禮笑虞丘兮未賢始街
悲兮晝哭終共盡兮千年卜龜謀兮習吉陳旨酒兮
嘉粟車徒儼兮在門旌旆紛兮竟術循洛橋兮南渡
從國門兮右出樹蕭蕭兮有風雲慘慘兮無日指丘
陵兮一閉與天地兮相畢悲孝子兮純深孰憂思兮
可任訴高天兮泣血踏厚地兮崩心樹碑兮神道無
媿兮詞林歷陽之都兮水沒圓嶠之海兮山沉俾外
孫兮幼婦生白玉兮黃金

三續青賞

卷二十二 碑類

二二

後周青州刺史齊貞公宇文公神道碑

楊炯

惟皇帝大電之精以太清而張樂惟高辛招搖之象以人事而紀官於是乎生我司徒敬敷五教翼贊虞帝而威熙庶績惟殷湯受天明命以統九有之師惟微子崇德象賢以爲萬邦之式於是乎生我丞相約法三章光輔漢室而威加四海大齊宣皇帝商周之日號西伯以稱臣太祖高皇帝堯舜之朝避南河而革故司空臨川獻王懿親明德論道經邦中庶子平樂侯開國承家丹書白馬於是乎生我齊貞公惟魏

三續音賞

卷二十一 碑類

二十三

之寶惟周之幹開上帝而格天地變陰陽而平水土詳求典載歷選台衡或大澤而康帝圖或高丘而濟王業諸侯五百伊尹出於庖厨甲士三千太公起於屠釣未有上從軒后下及今齊聖主明君三居域中之大帝師王佐累極人臣之重古所謂歿而不朽者柳斯之謂與公諱虎字明俊蘭陵人也卽宣帝之玄孫高帝之曾孫臨川王之孫平樂侯之子稟神河岳藉慶王侯攀兩曜之末光乘五行之秀氣溫厚廉讓當時以爲達人宣慈惠和天下謂之才子屬三方鼎立九土星分祿去公朝朱諸侯之盟會政由梁國建

天子之旌旗士女同歎於商墟鬼神共謀於曹杜公
杜門屏跡心不自安與門生故吏數百人歸於後魏
宣武皇帝以客禮待之詔除給事中假龍驤將軍正
光五年兼彭城府長史假節則將軍比於王濬長史
兼於杜襲龍驤可畏晉后任之於渡江騏驎不乘魏
氏託之於留府六年除通直郎散騎常侍中書侍郎
末安三年帝北巡遷撫軍將軍銀青光祿大夫散騎
常侍散騎通直起於天興之元中書侍郎始自黃初
之代宣王撫軍之號僕射光祿之名奇才惣於文武
重任歸於將相徐方叛逆以公爲行軍長史兼統別

三續音賞

卷二十二 雜類

二十一

部仍加鼓節彭城宋邑海岳徐州嶧陽孤桐羽猷夏
翟昔稱都會今實邊陲魯伯禽始得專征周穆玉遂
行天討公手執旗鼓坐謀帷幄以陶侃部分之明當
阮孚戎旅之重有荀美獨負逸群之才不學江道
空有連雞之稱徐州平遷黃門侍郎揚州太中正黃
扉請請青瑣沉沉有若張公之萬戶千門博觀圖籍
太湖爲侵會稽爲山若有荀勗之十郡一州詮藻入
物累遷大司農秦稱內史漢曰司農管夷吾陳不涸
之名耿壽昌立常平之議時播百穀后稷讓於虞書

阜成兆民列卿拜於周典普泰元年遷車騎將軍加

右光祿大夫。永熙二年。出爲潁川太守。人稱汝潁俗。尚申韓。有鄭伯之別。都有周公之朝。邑教之德。化無囚。歷於八年。任於賢能。旁潤踰於九里。于時齊武王居中。作相實有遷鼎之謀。周太祖在外。持兵深懷事君之道。昭公失位。由季氏之執權。襄王出居。成晉文之霸業。三年秋八月。武帝幸長安。以義兵從順。大統元年。授開府儀同三司。封靈縣開國子。邑三百戶。金堤石印。清濟濁河。爰賜土田。以爲藩屏。漢之宰相。始開封邑。周之列辟。實兼卿士。二年。拜車騎大將軍。九年。遷五兵尚書。十年。遷中書監。領驃騎大將軍。加開

三續奇賞

卷二十二 碑類

十三

府儀同三司。進爵爲公。增邑一千戶。天子有詔不入軍門。匈奴未滅。不營私第。蔡謨兼五兵之署。鄧騭比三台之儀。掌中書之綸翰。加上公之冕服。十六年。遷侍中。驃騎大將軍。以下並如故。昔惟常伯。今則侍中。切問近對。拾遺補闕。冕旒無象。先問顧和。玉佩不存。卽徵王粲。廢帝後二年。公不負出。爲使持節。華州刺史。侍中。並如故。桃林國邑。太荔城隍。三秦六輔之奧。區五岳四瀆之襟帶。倪寬之爲內史。唯事漑田。薛宣之守馮翊。但知拱默。尋加特進。餘如故。官品第一。朝廷所敬。辟吏如五府之間。班列在三公之後。唐虞之

繼文德也。稷契謨明於兩朝。魏晉之順大名也。裴王建功於二代。周武成三年進封青州齊郡公。邑二千戶。賜號東岳先生。詔曰。堯有四岳。朕惟公一人。賜雜彩二千段。甲第一區。雍州良田百頃。其優禮如此。堯命羲仲。星鳥嵎夷之官。周賜姜牙。穆陵無棣之境。三王不襲。同盟固於泰山。百代相因。舊國傳於負海。惟保定四年公薨於長安私第。天子罷朝。群臣赴吊。喪用官給。嗚呼哀哉。五年贈少保。使持節。揚光桂三州諸軍事。揚州刺史。謚曰貞公。禮也。公小丁外艱。州黨稱其孝。齊武皇帝見而歎曰。可謂吾家曾閔。

三續奇賞

卷二十二 碑類

二十四

外祖太尉公王儉。謂其子侍中審曰。成汝宅相者在。此孫乎。公之北歸也。後魏宣武帝勅曰。昔微子去殷。項伯歸漢。卿又得之於今。公泣涕橫流。跪而對曰。臣家國不造。鼎祚淪亡。進不能匡。正退不能死。節今復託身有道。何敢比德古人。帝因此重之。及周太祖作相。西朝王侯之下。皆望塵而拜。公與之抗禮。太祖尤相敬待。屢有諮詢。嘗從容曰。國家之子房也。公體淳和之至。性負廊廟之大才。孝通神明。忠定社稷。馮伏波來遊。二帝晏平。仲能事百君。在魏則賈詡荀攸。在周則太顛閔天。惟司徒克慎厥始。惟丞相克和厥中。

惟公載德克成厥終三后同其政道子孫嗣其成式
輝光助於日月德積廣於宇宙以其年月日塋於少
陵原國遷三代年移十紀杜當陽之碑石沉漢水而
無聞仲山甫之鼎銘入匈奴而不出曾孫皇朝右金
吾將軍同州刺史得照宏才大節玉振金聲入當天
子之右軍出臨帝京之左輔承積善之餘慶襲太宇
之不遷願述家風思傳祖德是用勒銘刻石相質披
文載於景鍾大夫稱伐之義書於太常諸侯計功之
道追題瓦屑鄭康成北海之門重刻碑陰張平子南
陽之墓其詞曰黃帝攝政勤勞耳目舉于版泉戰于

三續奇賞

卷二十二 碑類

三五

涿鹿咸陽黜夏登壇受禘表正萬邦纘禹舊服逮乎
微子周之國賓降及蕭叔宋之懿親高祖丞相王迹
是因宣皇御史社稷之臣太陰所立皇齊誕聖旣創
元基仍集大命謀孫翼子重熙累盛天祿未終南風
不競惟公載誕克嗣家聲千丈多節三年一鳴待時
而動以族而行才歸晉國壁入秦庭符堅拜首降天
之使陶豫策名勤王之事任隆起草榮高近侍赫奕
禁門雍容貂珥日暮青瑣夕郎之職法駕畢陳黃門
次直帝王之盛成在農殖如京如坻我黍我稷吳王
舊國採山鑄錢公爲中正佩以青絃夏禹遺跡今未

潁川公爲太守。示以蒲鞭。齊稱東帝。周稱西伯。諸侯謀王。天子下席。公子忠義如彼。松柏發自新邑。歸于陸海。魏德雖衰。天命未改。功成晉鄭。爲而不宰。寵茂山河。於是乎在。亞夫真將。去病元勳。持兵對楫。絕漠行軍。尚書武庫。抑有前聞。待中重席。曾何足云。當途遜位。有周經野。三國唐虞。兩朝裴賈。出守馮翊。人無訟者。受封于齊。實匡天下。晨占赤烏。夜辨黃熊。曾參易簧。期於今終。子囊城郢。沒有遺忠。明君輟祭。郡臣會同。黃屋左纛。輕車介士。朝發桐鄉。暮歸蒿里。積善餘慶。由來尚矣。公侯子孫。必復其始。

三續青賞

卷二二 碑類

二十六

... 齊稱東帝。周稱西伯。諸侯謀王。天子下席。公子忠義如彼。松柏發自新邑。歸于陸海。魏德雖衰。天命未改。功成晉鄭。爲而不宰。寵茂山河。於是乎在。亞夫真將。去病元勳。持兵對楫。絕漠行軍。尚書武庫。抑有前聞。待中重席。曾何足云。當途遜位。有周經野。三國唐虞。兩朝裴賈。出守馮翊。人無訟者。受封于齊。實匡天下。晨占赤烏。夜辨黃熊。曾參易簧。期於今終。子囊城郢。沒有遺忠。明君輟祭。郡臣會同。黃屋左纛。輕車介士。朝發桐鄉。暮歸蒿里。積善餘慶。由來尚矣。公侯子孫。必復其始。

周隴右總管長史贈太子少保豆盧公神道碑

庚信

君諱求恩字某昌黎徒何人本姓慕容燕文明帝旣
之後也朝鮮微子之封孤竹伯夷之國漢有四城秦
爲一侯其先保姓受氏初在柳城之功開國承家始
靜遼陽之亂自天市星妖連津兵覆尚書府君改姓
豆盧筮仕於魏祖代左右將軍魏文皇帝直寢父長
少以雄畧知名不幸早世周朝以公兄弟佐命義存
追遠保定二年有詔贈柱國大將渾涪陵郡公是知
春爾潤木自葉流根西伯行而推存及歿公以山岳

三續奇賞

卷二十二碑類

二十七

精靈星辰秀異氣侔鍾鼎聲感風雲觀於秦兵尚稱
童子對於楚戰猶在青衿太祖文皇帝乘時撥亂奄
有霸業潁州從我舊愛無望春陵故人相知惟有普
泰二年關西建義授殄寇將軍奉迎大駕賜封新興
縣伯邑五百戶開新安之郡遷移揚僕之關解弘農
之圍更入劉昆之郡接桴併轡並預前驅大統三年
有沙苑之戰四年河橋之役介冑蟻虱戎馬生郊公
應變愈長風颺更勇隱若敵國強人意授龍驤將軍
中散大夫八年授直寢右親信都督尋轉大都督加
通直騎散常侍十六年授使持節車騎大將軍儀同

三司魏元年授驃騎大將軍開府儀同三司鄧騭以漢朝親戚始授中台黃權以魏國功臣初登上將公頻煩寵授朝野爲榮三年都督成州諸軍事成州刺史尋加侍中外惣連帥振威百城內參常伯榮高八舍于時隴坻黠羌時穿上谷榆中郡賊或聚漁陽公卷甲星馳長驅千騎迴洛克徒望風草靡瓜州豪傑束手歸軍後魏元年改封龍支縣侯三年朝廷使大將安政公隨突厥吐蕃渾黠國河鄯二州屬當路首公領騎八千以爲戎防南通丹粟西望白蘭關塞無虞公之勲也周元年授都督鄯州諸軍事鄯州刺史

三續奇賞

卷二十二碑類

二十八

其年改封沃野縣公增邑千戶二年授隴右總管府長史武成元年都督利涉汶三州諸軍事利州刺史五千兵破文州陽陣蠻仍平瀘水以保定元年將兵破巴州恒狻獠度瀘五月葛亮有深入之兵長坂九廻王尊有忠臣之路霜雹不驚水草無乏天幸將軍斯之謂矣其年授司會八法斯掌九賦是均事總歲成功叅日要三年還授隴右總管府長史公屢弼英蕃頰相大府北海入朝仰以對問東平謁帝因而定禮遂使馬首懷燕不無樂毅蕃臣擬漢或多因叔兄楚國公以叅和挹讓莊贊樂推建國開都奄荒南服

求以先封武陽郡三千戶益公沃野之封朝廷以兄弟相讓不無前史推思分邑有詔許焉增邑并前合四千七百戶既而六氣相犯五聲相觸靈壽不終遊竟且變薨於官舍春秋五十八詔贈少保幽翼定相等五州諸軍事幽州刺史謚曰敬公禮也天和元年二月六日塋於咸陽洪瀆州大夫墓樹以柏諸侯墳高于雉嗚呼哀哉公資忠履孝蘊義懷仁直幹百尋澄波千頃留心職事愛玩圖籍官曹案牘未嘗煩委戎馬交馳不妨餘裕兄弟公侯國朝親戚宜春有湯沐之盛濯龍無流水之機渭南千畝之竹尚懼盈滿

三續奇賞

卷二十二碑類

三九

咸陽二頃之田常思止足身則于世可有遺子則一經而已刺史賈逵之碑既生金粟將軍衛青之墓方留石麟乃為銘云朝解建國孤竹為君族稱高柳山名密雲遼陽趙裂武遂秦分寶珪世胄雕戈舊勲各稱寶實言謂身文挺此含璋隆茲岐嶽有犯無隱王道正直唯愛唯敬永成悅色枕籍禮闈留連學植策叅帷帳功披荆棘陣陣揮戈齋戒憑軾豹策乃建龍顏同啓校戰岐陽申威隴坻城壘畫地山林聚米上馬論書臨戎習禮賈復開營廉公屈禮從容傳會占對造請用此旗平終茲寬猛綠林兵息潢池盜靜各

振赤山威高青嶺玄獸浮河飛嶺出境災氣出隴毒
水侵涇朝傾地鎮夜洛台星石壇承祀豐碑頌靈涓
城前栢昌陵下庭須知地市爲讀山銘

三續奇賞

卷二十二 碑類

三十



益州温江縣令任君神道碑

楊 燾

漢丞相之尊官大位乘車滿於十人齊景公之利用
厚生有馬盈於千駟羽旄冠劍從金鳴玉疊其前苑
囿池臺清歌妙舞喧其後崇高在於寵祿大欲存於
食貨義然後取橫玉帶以當仁道不虛行坐鹽梅而
自得若乃時之不與數之不通貴賤任於天窮通由
於命左大冲之誅史下察實英俊之揚稽叔夜之著
書賤職爲老莊之地雖復勢力以高下相懸尊卑以
商周不敵孔宣父中都之小宰幽厲多謝於陪臣陳
仲弓太丘之一官公卿有慙於縣長是以德成者上

三續奇賞

卷二十一碑類

三十一

道在斯尊陶潛則安枕北窻言偃則鳴絃東武柳楊
足以儀四海顧盼足以破三軍代有人焉於斯爲盛
公諱見樂安博昌人也其後因官遂家蒲州之末樂
天子令德軒皇爲誕姓之源諸侯計功薛國在宗盟
之後西京執法則有御史大夫東漢循良則有會稽
都尉任光鄉里之忠厚任隗朝臣之綆直益州從事
術數知名臨海真人清貞克己况乎東西海岱強齊
九合之都表裏山河全晉三分之國車馬雷駭衣冠
鼎盛盟書百代可謂功臣遷徙丘陵實惟豪族曾祖
顯祖考考憬並策名天爵獨步人師懷素履之幽貞

保黃裳之元吉張家碑碣荆州有七代孝廉荀氏鄉
亭潁川有八人才子君外資剛健內育文明合千載
聖賢之間鍾五行金木之秀王恭濯濯春柳懷風和
嶠森森寒松列景有曾孫之孝有史魚之直有子夏
之文有冉求之藝先王德行固名言而在茲大聖溫
良亦顛沛而於是當朝一見許其王佐之才行路相
逢知其美人之贈解褐爲家令寺主簿天王太子之
位赫赫前星天地長男之宮嚴嚴左闕出身事主元
良求固於萬邦束髮登朝七鬯不驚於百里秩滿授
將作監主簿千門萬戶張華窮壯麗之圖東主西賓

三續音賞

卷三十一碑類

三十一

班固致謳誼之實職掌官觀是名將作大司馬桓溫
之府績用在於元琳大將軍竇憲之曹文章寄於亭
伯累遷右衛長史南京左掖上將陪藩北落師門天
軍例備東觀漢記梁統有清白之名中興晉書薛兼
有恪勤之譽詔遷朝散大夫行益州溫江縣令華陽
西極漢水東流背面通秦越之鄉左右夾巴涼之地
風煙可接懸車束馬之山雲物潛通織女牽牛之象
神仙所宅則有二十四居途路所經則有五千餘里
金城石郭還聞上代之風國富人安時聽中和之樂
於是乎龍泉獨斷龜旒旁求品命于名封疆萬戶暫

過云亭乘軒之望可知且詣中軍理劇之才有屬楚
孝悌勤農桑省徭役育鰥寡所以一縣稱平所以百
城尤最蕭育是杜陵男子不入後曹黃浮非鄉里所
知不寬同歲洛陽行馬門士無心齊國池魚權家絕
望鄭文公邵陵之縣但稱男子之名師尚父灌檀之
鄉唯有神人之哭實謂樞機八座上下三階豈惟縛
柱鞭絲操刀製錦巫馬期之任力癸起乘星鍾離意
之悅人災生解土享年五十有九以鳳儀二年六月
二十五日卒於官第夫人姚氏徵士神人之女也壽
丘僊葉媯水靈苗定姚信之機衡審姚光之術藝明

三續奇賞

卷二十二 碑頌

三三

星燄燄不臨太丘之前暮雨沉沉不散巫山之曲婦
人謂嫁曰疑女子有行織緝組紉裹修榛栗南斗千
齡之匣忽愴沉江北方三代之儀終悲共穴先以威
亨三年七月二日終西京塚舍里之私第越儀鳳三
年冬十一月一日躋禘於未樂縣歷山之平原十虞
芮之閑田帶關河之設險居人致祭同鄉有朱邑之
祠惟力成墳葉縣有王喬之墓君燕趙奇士神仙中
人容貌魁梧衣冠甚偉楊子雲之窮巷好事來遊段
干木之閤居通侯展敬自陳力就列居家可移妾本
絕於織蒲馬無聞於食粟原子思之厚秩偏給鄉人

孔文舉之中罇，延留坐客，加以偏觀國史，尤精釋教。夢幻泡電，知一切之皆空。園林貨財，見三陽之已淨。遭時屯坎，浮生蹇剥。佳人不再，苟奉倩之傷神。赤子無期，潘安仁之慘慟。天乎到此，命也如何。及其瞋目少城，鱣懷舊壤。平原古樹，唯餘孺子之墳。春露秋霜，非復臯繇之祀。於是鄉隣作主，朋友加麻。撰德銘之於素表，披文刻之於翠石。魯哀公作仲尼之誅，天不愍遺。蔡伯喈爲有道之碑，人無媿色。其銘曰：軒帝之族，漢朝之臣。西州智士，東海真人。豪傑天縮，衣冠日新。實生其德，必有其隣。道在爲貴，知機則神。氣衝南

三續奇賞

卷二十二 碑類

三十四

斗價直西秦，大蒙之信。太平之仁，辨窮非馬。學究成麟，孝友爲政。觀光利賓，重朋比德。少海爲春宮，室之象。南斗北辰，甲兵之衛。閭闔鈞陳，山控金馬。江迴玉輪，天文井絡。地紀梁岷，庭前置水。甌内生塵，困蠶有野雉。來馴時命，屯蹇生涯。苦辛實叙，虛贈玉樹。長淪厚德，無輔清仁。不親百年天，枉一旦。鸞真雷鳴之下，長河之濱。旌旗委鬱，徒御逡巡。悲風泊起，血下露巾。歎而可贖，人百其身。卦人不再，黃奉。

長河之濱旌旗委鬱徒御逡巡悲風泊起血下露巾歎而可贖人百其身卦人不再黃奉

原州百泉縣令李君神道碑

楊炯

金城裂地之灾玉弩驚天之禍蹴崑崙以西倒蹋秦
山而東覆三微歷數盡薰歇以聲沉萬國衣裳咸土
崩而瓦散是故殷憂啓聖聖人騰海岳之符草昧興
王王者受風雷之趾則有思窮晷識潛觀赤伏之萌
識洞機祥暗察黃星之兆天懸兩日詢去就於河宗
地震三州考興亡於柱史危邦不入亂邦不居剪荆
棘而叩天門臨壇場而對休命及其玄黃再造日月
重輪功成而不居名遂而身退南華吾師也親居賤
職東方達人也安乎卑位然後武城絃唱優游禮樂

三續奇賞

卷二十一

碑類

三十五

之中彭澤琴樽散誕羲皇之表雖杜當陽之文武蘭
菊猶存而薛孟嘗之池臺風煙遂歌悲天灰生命也
貴賤時也用之則行舍之則藏出處者君子之恒務
左右之攸宜吾聞其語矣今見其人也君諱楚才衛
州衛縣人也昔繞樞神電軒轅氏之馭百靈貫月祥
星顯頊氏之臨四海金科作範商丘有帝系之雲玉
扎披菑幽谷有真人之氣由是公侯策命歷千載而
彌昌鍾鼎歡娛經百王而不替豈直將軍列位孫吳
暗合之兵協律當宮天地冥符之樂若斯而已矣曾
祖裕後魏東宮舍人太子洗馬使持節徐州諸軍事

徐州刺史燉煌郡開國公贈袞豫二州刺史真城西
望高關東臨非無置驛之歡實有前軍之寵瑯玕負
海八門都督之榮王彰潁河百代封侯之貴大父昌
北齊彭城王府中兵參軍事隋濟陰郡成襲封燉煌
公文場筆海炳爛等於星辰班固談叢鏗鏘叶於風
雅九千里之丹鳳始踐王門七十日之黃龍初階郡
職考孝友隋晉州岳陽縣令顏回稱太平王佐月角
殊姿仲由稱禮義霸臣星衡詭狀唐都晉野有恒山
太嶽之風墨綬銅章有錯節盤根之化若夫于公之
宅駟馬爭驅辛氏之門五龍齊駕英靈不已還當命

三續奇賞

卷二十二

碑類

三十六

代之期將有往徵克保承家之業東郊競日探祕跡
於機衡西蜀談玄測靈心於造化雄才壯思首九奏
而和八音殫見洽聞披五車而接三篋加以興居禮
樂出入孝忠簡於一人備於萬物弓旌疊奏始命賢
良幣帛交馳載徵巖穴從微至著濫觴萌藉地之波
積小成巨覆篔漸排雲之構隋大業十二年補謁靈
臺散從員外郎非其好也屬于三否運百六災年諸
侯窺王鼎之尊天子厭金陵之氣蚩尤則命風召雨
桀黠於中州共工則折柱傾維崩騰於海縣龍扶天
下之危者必據天下之安能除天下之憂者必享天

下之樂我高祖神堯皇帝所以從人望宅靈心鎮天
關迴地軸鼓聲雷駭親張霹靂之威旗羽星懸手握
招搖之柄君冲情索隱妙筭知來候東井而考前聞
裂西河而尊故事扶三畧之奇謀蘊六韜之祕訣義
寧二年授車騎將軍累加開府武德五年遷右衛二
十四府右車騎將軍仍於邛州鎮守皇階甫闢猶勞
尉候之虛天步初夷尚有風塵之驚示之以文德陳
之以武功所以夜戶不扃所以重門罷柝六年轉仲
山府左列南州舊俗滯其白獸之祠西棘餘畝背我
黃龍之約王師直進陵劔棧以長驅廟路遐宣指銅

三續青賞

卷二十二 碑類

三十七

丘而決勝七年詔君討襲楓天棗地金門玉帳之營
方卦圓著刻木弦弓之射以此衆戰誰能敵之以此
攻城何城不克雷出而星曜龍騰而鳳飛一鼓而擒
四姓三戰而平百濮大夫耆老非唯二十七人拓土
開疆豈直五千餘里返行飲至拾爵策勲焉禮也其
年加上大將軍賞口十六人并良馬一疋而俄以爭
功得罪游俠從君特降王綸選邊騰府通塞有命滂
安仁之緒言富貴在天卜子夏之餘論無諂封禪空
歎息於周南絕望夏臺竟棲遲於漢北太宗文武聖
皇帝承聖皇之大寶奉天帝之休期雷雨八瀛光華

四極旌賢赦過惟新之命屢覃念功簡勞惟舊之恩
累洽貞觀元年授長樂監仍命於北門供奉宜春禁
苑太液神池浸石茵而揚波擢金莖而挹露南經冊
微恒陪萬乘之遊北統黃山再奉三驅之禮當是時
也穆穆焉煌煌焉濟濟焉鏘鏘焉一陰一陽而有序
自南自北而無外猶復中宵不寐殷勤多士之林吳
景忘疲渙汗非常之辟十四年應詔四科舉射策登
甲第明於國家之大體達於人事之始終可謂宰相
之璞可謂皇居之寶漢朝才子承宣室之談魯國儒
士行踐中都之邑尋授靈州鳴沙縣令累遷原州百

三續奇賞

卷二十一碑類

三十八

泉縣令科通紫微却負黃州涼秋九月寒沙四面平
雲匝隴處處而秋陰圓鬼低開蒼蒼而夜色君乘輜
演教佩紱臨人德被三城風移五縣抽琴命操還臨
單父之堂繫石飛鳴卽對李泉之學明以御下將水
鏡而通輝清以立身共冰壺而合照神行有感方登
玉鉉之階靈化無方獨歎瓊棺之墓春秋七十有一
以顯慶元年十二月八日終於官舍君年十一丁艱
朋友相哀家人不識昔稱曾閔今日荀何近古以來
未之有也隋郡東曹掾江溢見而歎曰此真可謂保
家緯化嗟尚者久之大業末年皇綱漸紊不掃一室

自懷包括之心獨守太玄且忘名利之境于時魏特
進房僕射杜相州等並以江海相期烟霞相許付同
心之雅會訖列頸之良遊或閉戶讀書累月不出或
登山涉水經日忘歸斯賢達之素交蓋千年之一遇
泊塵埋丘岳海沒三山辭殷而奉周背楚而歸漢深
謀遠慮卽良乎無以加也行軍用兵則韓彭不能尚
也數竒命蹇遂無望於豪門日徃月來竟消聲於下
邑情均寵辱則萬象同歸跡混彭塲則百齡俱盡浮
生若寄大漸彌留遺誨子孫庶幾薄塋等梁鴻之宅
兆邈矣佗鄉符祭仲之高居依然新鄭唯仁與達君

三續音賞

卷二十二碑類

三十九

其有焉存榮歿哀此之謂也卽以某年月日塋於某
原夫人廣平宋氏齊尚書左丞士順之曾孫隋建安
郡司法長文之季女霜淒月瑩菊艷茗華淑問秀於
閨房柔風洽於詩禮琴前鏡裏孤鸞別鶴之哀竹歿
城崩杞婦孀娥之泣長子金河府校尉上柱國輔仁
等十輪方駕萬石駢衡窺上帝之兵鈴入先王之冊
府指蒼天而求訴血不霑襟對白日以長號悲來填
臆於是總麻執友素蓋賓朋傳祖德於高陽考豐碑
於太學庶使城隍一變猶知鄧文之名陵谷三遷尚
識鍾繇之字其銘曰玉斗之英瑤光之精巡河并洛

握紀提衡柱史論道將軍用兵陸離簪紱奕葉公卿
嶽收騰譽茲歌有聲階蘭疊影巖桂增榮山澤通氣
風雲表靈凝脂點漆月角珠庭白玉無玷黃金滿籬
忠爲今德孝實天經朋友千里烟霞百靈琴鐔野尚
松竹山情數屬郡海時逢闡星黃龍電震白騎雷驚
赫矣高祖元亨利貞聖人有作天下文明自北提劍
因茲間行攀鱗北海附翼南溟水火之陣孤虛之營
左提右挈東討西征巨猾斯斬元兇載清功符衛霍
思若良平自滿知損居中忌盈蕭條異縣坎壈浮生
降以中旨賓于上京陳書請闕對問揚庭山連鴈塞
三續晉賞 卷二十二 碑類 四十

野接龍堦朞月而已三年有成波瀾不息箭刻無停
梁木其壞高臺已傾關雲斷絕隴鴈飛鳴頓雙鳧於
葉縣啣四馬於騰城

靈琴

周車騎大將軍賀婁公神道碑 虔 信

昔者軒丘命氏初分兄弟之姓若水降居始建諸侯之國自是以官爲族因地爲宗水派枝分其可知矣公諱慈字元達本姓張清河東武城人也任於周張仲爲孝友謀於晉張彥爲賢臣韓有開地則五世強國趙有孟談則三卿不戰祖慶少習邊將憑伏智勇雖復五車行簡不取博士之名一卷兵書卽以將軍自許角端在手必無齊魯之侵蓮花插腰甚得蛟龍之氣爲車騎大將軍儀同三司散騎常侍霸城開國伯贈河州刺史父璨公子公孫有鉉基於天下良弓

三續齊賞

卷二十二 解類

四十一

良治有世業於家風書則百家可知劍則千人可敵三槐以厲鼎象物知其神奸五等以栢珪旆瑞守其宮室君以才望兼而有之終於使持節車騎大將軍儀同三司散騎常侍武定縣開國公贈兼河州刺史兼山岳之靈受星辰之氣年在髫髮甫就勝衣竹馬來迎已知名於郭伋羊車在道卽見賞於王澄豈直童子明經書生說卦而已至如禪河清論秋水高談故以辨折龜林聲馳鹿野國家官族君爲首姓起家車騎大將軍儀同三司襲爵爲公邑合一千六百戶弱冠登朝傳呼甚寵漢魏台鼎故無此比中朝方伯

罕有其年大冢宰任總機衡是勤王畧惜君忠壯委
以爪牙鎮左廂親信出梁州防主華陽西極漢水東
流巴濮旣寧沉黎卽靜保定四年王師北伐以君驍
勇被召將兵師下宜陽身登函谷將燒白馬之城以
覆鳥巢之壘卽而中途甚雨未獲圖原軍師聞喪不
成侵宋柱國趙王今上之第九弟也文則河間上書
武則任城置陣作鎮岷丘陽旄錦水白虎之俗難安
黃龍之盟不定以君智畧入佐中權天和元年授使
持節大都督治柱國總府司錄仍轉司馬餘官封如
故相如西喻鏤石於靈山武侯南征浮船於瀘水方

三續青賞

卷三十三

碑類

四十二

之今日彼獨何人九品課工爲上之下四年入朝歸
事宰旅卽受載師大夫將命齊國尋盟出境卽用和
隣入國聞喪仍從會葬之禮可使南面此之謂乎尋
以本官入治軍正至如渭水兵書存心爲志軒丘陣
法聚石成圍旣得師不疲勞兵無怨讎入陪中禁更
領儀同即客城池門闌戶籍咸資巡警並用司存帝
城近臣公室密戚如逢司隸似畏都官旣而孤城鄭
樞不相其年巴水深翁不醫其疾春秋三十有三奄
捐官舍呂子明之疾甚歎軫吳王阮文瑜之長逝悲
深魏主有詔贈其官禮也以建德四年三月日歸塋

於河州苑川郡之禁山公六郡良家西河鼎族地壯
金行人雄塞氣兵書七卷河水浮來射法三篇天弧
夜下鋒旗不息刁斗恒驚猶得馬上讀書軍中習禮
太史子儀善於謀策諸葛公休長於撫馭四代儀同
三司七世河州刺史鍾鼎成烈冠蓋連陰謂生爲貴
臣歿爲貴神者也但以遊竟久客反莖途遠道阻山
長妻孤子幼哀聲滿野愁氣連雲况復松檟飄颻方
臨武威之戍丘陵廻遠直對臨洮之城馬援亡於武
溪尸柩返於魏里梁鴻歿於會計妻子歸於平陵嗚
呼哀哉峴崎遠矣昔者繁昌祠前卽有黃金之竭德

三續奇賞

卷二十二碑類

四十三

陽基下猶傳青石之碑是謂勒功乃爲銘曰七葉佐
漢五世相韓忠臣入仕孝友當官青城仙洞黃石祠
壇臺堪走馬書足廻鸞武定風颺霜城嚴肅並馳雙
傳俱分兩竹重世刺舉連鑣袞服草靡青丘風馳赤
谷世不乏賢挺茲上嗣孝有三德忠無二志劔足身
挺書堪面試旂節旣秉高禪且珥龜轉印函蛇盤綬
笥左右將軍前後常侍繼踵五侯因循三事於旃九
坂艦舳雙流還驅木馬更引金牛江波錦落火井星
浮醇酒望帝安歌蜀侯受服河陽偏師洛浦置陣成
臯連旗廣武朝兵滅竈夜營多鼓箭起六麋鋒摧九

虎修忽人世俄然今古崇發兩星鑿驚二豎遊寬通
夢言返舊塋紫泥賜丹黃腸贈行途登石紐路入金
城寒關樹直秋塞雲平劍埋合柱書藏鑿楹武侯爲
廟樂公爲社雲蓋低臨電裳紛下碑枕金龜松橫石
馬未矣身世留名華夏

三續奇賞

卷二十二

碑類

四



唐右將軍魏哲神道碑

楊炯

天經地緯之帝、求制禮作樂之才、撥亂反正之君、資
拔山超海之力、繼韶夏而崇號謚、非無陣戰之風、披
皇圖而稽文武、或用干戈之道、故能彌綸宗廟、彈壓
山川、苞四海以爲家、一六合而光宅、是以二十八宿、
懸列將而察休徵、三十五星、聚天軍而赫符彩、呂望
垂竿於渭、涘道峻、匡周張良、授策於圯、橋功崇、佐漢
乃有心如鐵石、氣若風雲、洛讖書名、河圖秘象、青聯
雷燭、歷大塊以三休、碧羽霜淒、倚渾天而一息、岑彭
許允、征南鎮北之名、馮異王昌、大樹中軍之號、杜太

三續奇賞

卷三十一碑類

四五

行而泥函谷、猛氣無前、戮封豕而斬長鯨、雄圖不測、
元戎十乘、驅衛霍於前矛、甲士三千、列孫吳於後殿、
秋風白露、執金鼓而齊六軍、太山黃河、折銅符而光
百代、建廟堂之策、爲社稷之臣、孰能與於此乎、在我
真將軍矣、公諱哲、字知人、鉅鹿曲陽人也、七代祖靖
非、前秦征北大將軍、鎮北地上郡、其後子孫因居於
寧州襄樂縣、開國承家之始、誕姓名氏之源、大名發
於本支、當途峻於層構、三辰鬱鬱、天街分畢、鼎之都、
九野茫茫、地險列山河之境、丞相以萬機、道匡大
運、以震威嚴、尚書以八座、當官、贊金行而標領袖文

昭武穆方駕齊驅。公子王孫。朱輪華轂。大鵬垂翰。馭風伯而指南溟。天馬騰姿。偶雲師而集東道。祖唐隋天水郡丞。河陽都尉。瑤林瓊樹。擢標格以千尋。圓折方流。委波濤而萬頃。雄飛有望。豈惟京兆之丞。陰德不德。何直丹陽之尉。父寶皇朝。通議大夫。總管府司叅軍事。東家孔子。至德生於上天南國。申侯明靈。誕於中岳。居朝翊贊。道先王之法言。公府弼諧。對上天之休命。若夫聖人作而萬物覩。元首明而庶事康。日月粲其光華。山川鬱其雲雨。則有英靈間出。丹陵諾白獸之旌符。瑞挺生黑帝。感蒼龍之傑。隋珠一寸。魏

三續音賞

卷二十一碑類

四十六

后揚眉。和璧千金。秦王動色。顏生殆庶。聞於竹馬之年。楊子參玄。發自銅車之歲。建情峯而直上。疏筆海以橫流。彫瑤則百堵皆興。峻宇則千門並列。可大可久。無忘簡易之途。爲子爲臣。率由忠孝之境。郭林宗之披霧。豈敢名言。孔文舉之欽風。每相推荐。若乃五才並用。誰能去兵七德。兼施止戈。爲武出師。於九天之上。暗合兵書。取法於十日之前。懸符射法。固以文武之道。揄揚滿於城。冲將相之才。籍甚聞於海。內貞觀十五年。起家補國子博士。喬林掃日。驚白鳳於調條。壁水澄天。駭彫龍於義壑。班超慷慨。常懷萬里之

心季路平生每負三軍之氣十六年勅授左翊衛北
門長上祿賜同京仍令爲飛騎等講禮鄧司徒之舊
事馬上讀書祭征虜之前聞營中習禮宮花如錦還
臨拜將之壇楓葉成帷復對聞軍之市自皇王眷命
大帝應期運璇衡而制八方調玉燭而臨四極玄菟
白狼之野來奉衣替蟠桃折木之卿尚迷聲教太宗
文皇帝操斗極把鈞陳因百姓之心問三韓之罪勝
殘去殺上馮宗廟之威禁暴戢兵下籍熊羆之用公
丹心白刃本自輕生六郡三河由來重氣烏江計逆
剖項籍於五侯涿野懲奸磔蚩尤於四宰二十年詔

三續音賞

卷三十一 碑類

四七

除遊擊將軍右武侯信義府右果毅都尉長上如故
顯慶二年以內憂解職痛深吳隱哀極顏丁踏厚地
以崩寃訴高天如泣血紫泥垂渙頻降璽書墨綬臨
戎遂從金革三年詔除左衛清宮府左果毅都尉尋
圍谷府折衝都尉並長上如故又以應詔舉對策甲
科遷左騎衛郎將于時長榆歷歷烽火猶驚高柳依
依邊風尚急關山夜月遂爲胡虜之秋西北浮雲翻
作窮廬之景四年詔公爲鐵勒道行軍總管陳兵玉
塞按節金徵學常山之蛇擬麗譙之鶴鍾鼓嘈噴上
聞於天旌旗續紛下蟠於地伏尸百萬因瀚海而藏

舟關地數千卽燕山而築觀武臣雄畧氣惛西零神
將宏圖威知北狄麟德元年詔遷左驍騎中郎將尋
檢校右監門左武衛將軍本官如故昔者封禪陟雲
亭之後七十二君圖書出河洛以還三千餘歲振兵
釋旅方崇薦帝之儀道洽功成必致禋天之禮粵以
皇家闢統之五十年今上開基之十七載登封告禪
玉謀金繩建顯號而施尊名揚英聲而騰茂實華夷
輯睦皆承萬歲之恩朝野歡娛咸奉千年之慶乾封
元年詔加明威將軍本官如故大風遺孽叛換青丘
小水殘寇憑陵碧海率百官於文祖尚興彭蠡之師

三續音賞

卷二十一 碑類

四八

會萬國於塗山猶有防風之戮是歲也詔公爲遼東
道行軍總管管雄對日兵氣橫天開玉堂而按部坐
金城而勒陣關鞏之甲犀兕七重餘艘之舩舳艦千
里駕鼉梁於聖海秦皇息鞭石之威泛鼉鈎於仙洲
愚叟罷移山之力然後風行電卷斬將屠城塞丹浦
之遙源伐黑林之粵本王孫公子名霑皂隸之臣深
谷太山境入樵漁之圃二年詔加上柱國仍檢校安
東都護導之以德齊之以刑威振六官風揚五部兵
戈載戢無勞尉候之虞桴鼓希聞寧有穿窬之盜仰
太陽而晞湛露方預四朝臨逝水而急寒風俄悲一

去齊孟嘗之下淚高榭曲池魯司寇之悲歌頽山壞
木長安杳杳還符日近之言京兆悠悠理絕天高之
問紫關生入判白無期繡服危還竟知何日總章二
年三月十六日遘疾薨於府第春秋五十有四嗚呼
哀哉詔贈左監門將軍廕也唯公被服忠孝周旋禮
樂仁者見之謂有仁智者見之謂有知研幾冊府金
縢玉版之書索隱兵鈴玄女黃公之法每建旛推轂
三令五申躬擐甲冑親當矢石軍井未建如臨盜水
之源軍竈未炊似對嗟來之食由是南馳北走東討
西伐擲之無旁按之無下載匡宮裏遙登將軍之壇

閣飛星邊獨列中軍之位雖龍泉匿字薰歇光沉而
麟閣飛名天長地久夫人扶風氏隋濠州刺史圓之
孫也五松春艷牽少女之祥風八桂秋雲降仙娥之
寶魄謝家之子歌柳絮而知慙劉氏之妻頌椒花而
自耻三周按禮無虧肉則之風四德揚蕤載闡中閨
之訓宿盤龍於月境早沒鸞床矯飛翼於霞棲先沉
鳳穴珠星壁月終陪季子之階金鼎銀罇竟列齊侯
之寢以貞觀十五年五月五日終於某所越咸亨元
年某月日祔於某原長子瓜州司倉擇木次子右衛
親衛玄封等門傳萬石庭列雙珠花萼爭榮芝蘭謁

秀天經地義，欽承避席之談。日就月將，虔奉趨庭之教。變槐檀而瀝膽，木石悲酸。伐露霜以崩心，幽明感動。塋之以禮，登之以時。生民之本盡矣，死生之義備矣。孝子之事親終矣，於是門生故吏，其緝家聲才子，文人思傳盛德，庶使藺相如之壯氣，歷千載而猶存。隨季子之餘風，畫九原而可作。其詞曰：文王受命畢公餘慶，玉樹聯芳。金枝疊映，三分並列。七雄齊競，建國承家。重熙累盛，功宣蹈舞。德流歌詠，河洛垂文。山川吐雲，驪珠育照。虹玉呈文，直立孤聳。天然不群，棲遲膠墊。悅懌丘墳，耻爲儒者。自許將軍，伊初不憚軒

三續奇賞

卷二十一 碑類

五十一

駭討逆陣，擁遼河岳。鎮碣石班超，投翰揚雄。執戟弓合三才，刀長四尺。爰清尉候，載澄疆場。得人者昌，失人者亡。皇恩俾乂，帝曰明敷。幽桂含馥，滋蘭吐芳。承天待詔，觀國賓王。茂實斯遠，音聲克彰。鵬池森漫，鷄山禍亂。出閭辭家，夷凶靜難。金微瓦解，玉亭水泮。扈駕命旋，陪祠日觀。萬邦胥悅，千齡啓旦。斗骨危城，占蹄舉兵。丸山霧塞，渤海波驚。帝赫斯怒，王師有征。虔劉北貌，戡剪東明。遵以文軌，宣其德刑。太微上將，文昌貴相。非熊非羆，令問令望。寵踰軍幕，榮參武帳。本請來朝，何期返塋。原野蕭瑟，風烟悽愴。天道如何，吞

恨者多松風夜響薤露晨歌
秋月如練春波似羅榮
華滅後寒暑經過青烏丘
壠白馬山河

三續青賞

卷二十二 碑類

五十二



宋册

南方火德陽精赫雷電之威西陸金行秋令毒風霜
之氣達其變聖人所以定天下之文象其宜聖人所
以觀天下之變或衣裳六合舞千歲而掃虔劉或鍾
鼓入絃用甲兵而誅暴亂若夫皇天失紀慧宇飛流
后土不繩山河崩竭蚩尤食石交害於生人項羽拔
山憑陵於上國天子聞鼓輦之響思將帥以隳行將
軍屬甲冑之容攬英雄而決勝則風雲潛感豪傑挺
生得七星之武曲破軍受五運之金多木少四時繁
弱射連尹於磬山萬辟太阿殺顏良於官渡然後達

三續奇賞

卷二十二碑類

五三

人知足徒興白髮之歌烈士徇名不受黃金之賞與
夫棄其筆墨漢家封萬里之侯稱爾戈矛周王命百
夫之長豈可同年而語哉君諱則字弘規其先渤海
人也後代因官遂家于涇州之定安縣神房阿閣太
山橫日觀之峰金闕銀臺滄海蔽天虛之岸風土形
勝關河表裏三分六州之大業師尚父贊其經綸一
巨九合之元勳齊桓公拓其疆場高柴至德籍東魯
之聲名高鳳沉研盛西堂之學校英才磊落而秀發
人物蟬聯而間起三光不墜察高星於大紫之宮八
柱無疆奠高嶽於中黃之域曾祖冲北齊鷹揚郎將

周右屯衛清宮府別將成軍夜火教戰秋風九天揚
後一之兵六合擁前三之陣張生入漢行觀滅楚之
徵、徵子奔周、坐見亡殷之兆、祖赦周褒、那南和縣長
陶元亮攝官於彭澤、道契羲皇、陳仲弓歷職於太丘、
德符星緯、飄風驟雨、不入灌壇之鄉、暴武蒼鷹、潛出
瑕丘之境、考才朝議郎、止開府、孫子荆之天骨、亮拔
不群、王夷甫之道心、神鋒太峻、議郎清秩、懸符處士
之星、開府崇班上、接台階之位、君雄心獨斷、猛氣無
前、用兵書六甲於自然、知射法三篇於性道、早圖星
象、管公明懷察變之心、幼識旌旗、陶恭祖有行師之

三續賞

卷三十一 碑類

五三

畧、屬隋人板蕩天下、崩離朱陽、夾飛鳥之雲、紫極現
雄鷄之象、陳兵爭戰、窺玉策於中州、姚石壇、場竊金
符於寓縣、我高祖黃雲大帝、白水真人、風雷海嶽之
純精、天地陰陽之正氣、媧皇受命、殺黑龍而定水災、
漢祖乘機、斬白蛇而開火運、君夜觀乾象、書察人情、
審煥惑之詞、謬驗嵩山之識、記關中王氣、不勞甘德
之言、沛國真星、無待殷馘之說、賊薛舉、豺狼梟獍、
梟獍守幽隴、以行災、負關河而作孽、天王按劍、出
軍於玉帳之前、猛將分麾、受律於金壇之下、以義寧
二年、王師薄伐、趙國公長孫無忌、精兵若獸、利器如

霜問君以帷幄之謀，待君以心腹之寄。營當月暈，因八門之疾生；陣法天星，乘五將之關格。蔭華蓋歷明堂，以我和而制其離；以我直而摧其曲。敗楚師於栢舉，未足權衡；執秦俘於峭陵，無階筭級。此實君之功也。其年詔授朝散大夫，賜物三百段，排患而釋滯功，成而不居；比踈傳而辭榮，追留侯以高蹈。三靈革故，君子於焉待時；四海清平，謀臣以之歸第。自太王基命成康，隆玉版之圖；高帝受終，文武盛金刀之業。家給人足，天成地乎；猶勞水旱之餘，尚想京坻之積。咸亨三年春，奉勅於河陽檢校水運使，搜粟都尉，河堤

三續齊賞卷二二碑數

五十四

使者銅徒鐵舳，蒼鷹白鶴之船；竹箭桃花，貝闕龍堂之水。引紅粟於淮海，沉歸舟於秦晉。遂使齊臣獻納，先陳不滅之名；漢后絲綸，卽有常平之號。望千石之氣，可以療饑；開萬箱之儲，自然知禮。此又君之功也。其年詔賜上騎都尉，嗟夫！河流曲直，天道盈虛，鬼神莫之要聖賢，莫能預高臺下泣。孟嘗君之惻愴可知，梁木與訶孔宣父之平生已矣。上元三年春三月，日終于樂邑里之私第，享年七十六。惟君魁梧動俗，符彩驚人；忠孝天資，溫良日用。一門兄弟，盡同鍾毓之車；千里賓朋，時命嵇康之駕。每至白雲生海，素月流

天未嘗不顧。野山河抑揚琴酒。馮異之大樹對諸將。而無言子夏之名山。謝時人以不語四林。遶刃入水。忘筌能祛有漏之因。早得無生之法。雖十年俱盡。陸士衡之長嘆有徵。而千載猶生。蘭相如之壯心。恒在卽以冬十月丁酉。塋於定安東南二十里之平原禮也。陶公相宅郭璞占墳面丹鳳而背玄龜。兆青烏而徵白馬。三百篇之後卜筮何從。二千石之榮子孫無替。長男仁獻中男仁楷。少男上護仁昉等。或體窮三變。潘陸不足以昇堂。或力敵高夫。關張不足以扶轂。有元方季方之長幼。傳學詩學禮之門風。金友玉昆。

三續音賞

卷二十一碑類

五十五

忠臣孝子窮號積於心髓。創鉅纏於肌骨。星辰已變。昊天無報德之期。霜露潛移。君子有終身之感。塋之以禮。垂制度於三王。思之以時。別蒸嘗於四季。然後按帝賢之舊德。叙潘岳之家風。戴逵銘北海之文。張昶刻西山之石。若使鄧將軍之一見。自得嘉名。魏太祖之來觀。懸知絕唱。其詞曰。金闕千仞。銀宮百常。發揮雷雨。震動陰陽。山水形勝。人神會昌。九州霸業。賜履勤王。樂只君子。邦家之光。驚雷氣候。大昴徵祥。運屬飛海。時逢吸霜。中原逐鹿。西嶽亡羊。漢起高帝。周興太王。乃披荆棘。卽奉壇場。國步猶阻。黎元未康。將

軍不拜使者相望陣合星斗兵符玉璜殲夷叛逆刷
滌邊荒化穉三代時清九皇猶思禮節尚試堯湯漕
通淮海水泛舟航蒼鷹鷁舳紫貝龍堂功立身退航
懸車杖鄉百年俄頃萬緒悲涼昔時華屋今日玄房
平天慄慄半月蒼蒼地謂西郭山言北卬曲池無處
松檟成行

三續音賞

卷三十二 碑類

五十六



唐昭武校尉曹君神道碑

楊炯

君諱通字其先沛國譙人也近代因官遂居于瓜
州之常樂縣故今爲縣人焉。顓頊高陽之子孫曹叔
振鐸之苗裔山河白馬漢丞相開一代之基。譙沛黃
龍魏武帝定三分之業承家卹胤岳峙星羅居雍州
西境斷匈奴右臂門容駟馬旌旗玉塞之雄坐列三
貂人物金行之秀祖某隱居不仕父顯盪寇將軍河
庭寶玉廣都鸞鳳或閭閻之內禮敵於諸侯或抱鼓
之間威振於千里功則可大以官族而爲官德亦不
孤惟將門而有將君天才卓越雄略縱橫陶謙性好

三續奇賞

卷二十二碑類

五十七

於幡旗王濬志在於長戟東方諫議口誦孫吳諸葛
武侯坐吟梁甫屬有隋之末四海分崩皇運之初三
光草昧五星同聚田橫猶在於草中九代飛榮隗囂
尚屯於隴右賀拔盛操符誓衆斬木稱兵以辦髮左
衽之餘負禱祝窮竒之號遂欲驅馳我塞北撓亂我
河西天子不憚於廟堂鼓其雷電使者相望於道略
申其弔伐武德元年乃詔侍中楊仁恭出使先之以
德義陳之以兵甲七旬干羽不籍有苗之師萬國侯
王坐見防風之戮君深知逆順獨斷智懷去危卽安
轉禍爲福非如馬援邀遊二帝之都不學竇融自保

三分之重。勅授昭武校尉鮮卑醜類慕容寔。學遷於大棘之城。止於小蘭之界。雖謂其辟下。願聞禮於上。宗而拜於將軍。遂誇大於諸國。貞觀八年。詔特進代國公李靖爲行軍大總管。登壇拜將。授鉞行師。開太一之三門。閉陰符之六甲。決勝於狙豆。然後折衝萬里。信賢如腹心。故能匡正八極。君當仁不讓。聞義則行。從王粲之戎旅。葉班起之筆硯。係單于之頸。有類長沙。斬樓蘭之王。更加平縣。詔涂。上騎都尉。車師舊國。俯桃前庭。戊巳遺墟。斜連後壁。負天山而版蕩。擁蒲海而虔劉。聖人之德。非欲窮兵。黷武王者之師。蓋

三續音賞

卷二十二 碑類

五十九

爲夷凶。靜亂十四年。詔兵部尚書侯君集爲行軍大總管。軍營王帳。武畧珠韜。旌旗蔽於日月。金鼓聞於天地。安人保大。實憑帷幄之謀。斬將奪旗。成籍武夫之力。君緬懷高義。思報國恩。從來六郡之子。是惟萬人。之敵。榆衝所及。攻靡堅城。矛戟所臨。野無橫陣。一舉而清海外。再戰而滌河源。飲至策勳。抑惟恒授。詔除上柱國。君備嘗艱阻。頗有戰功。天子聞之。累加徵辟。慕田疇之節。羞賣盧龍之塞。高魯連之義。請從滄海之遊。遂乃散髮。鄉亭拂衣。丘壑爲趙魏之老。在羲皇之上。關內諸公。深知郭解。洛陽人物。高談劇孟。家

僅有禮皆使拜賓門客多才咸能市義南宮養老坐
聞鳩杖之榮東岳遊魃俄見鶴書之召以龍翔元年
某月某日終于里第嗚呼哀哉夫人某官之女也流
湘降祉河洛騰休符玉石之堅貞貫風霜之慘烈鏡
飛天上窺祥鳳於銀臺劔動星文秘蛟龍於玉匣以
某年某月日終越某年月日合塋於某原君孝實因
心忠爲令德鮮花匝苑盡兄弟之歡娛好鳥鳴林展
交遊之宴喜太初朗月俯照金鞍叔夜清風來生寶
劔故能戰必勝攻必取西零種族遙憚武臣北漢酋
豪見稱飛將雖施之日猶生之年國令獨慕於相如

三續奇賞

卷二十一 碑類

五九

漢帝長懷於李牧長子游擊將軍和政府右果毅都
尉上柱國末雄次子朝散郎行西州柳中縣主簿上
騎都尉知君等三餘廣學百戰雄才就養之方兼申
愛敬慎終之道不怠哀戚雖雨崩防墓無孔子之格
言而鼠齧前松有文王之故事卽以某年月日改塋
於木城之平原長婦某氏卽末雄之妻也某官之女
柔風淑譽習禮聞詩上奉舅姑旁睦娣姒溫家之婦
方歡白玉之臺盧氏之妻空對黃金之柩先以求淳
元年某月日終至是卽倍窆于塋內右翊衛弘執兵
圖日用劔術天知六郡許其良家三州養其聲利思

弘祖德願叙家風託無媿之銘跋涉載勞於千仞訪
他山之石東西向踰於萬里炯効官昌運負謹明時
始以東宮學士出爲梓州司法傾蓋相逢當仁不讓
度使見曹娥之碣楊修歎其好詞讀元壽之文高祖
稱其佳作其詞白大矣丞相天地翼亮烝哉王侯子
孫蕃昌條分葉散源濬流長金城北見玉關西侯山
澤駢羅冠車輻湊降神生德興賢誕秀曰有人英材
標國楨髫年學劔卅歲論兵以身許國東討西征皇
家啓聖撥亂反正逆賊遊魂不恭王命亦旣授首河
西大定崑爾湟中車書未同帝赫斯怒攢其英雄風
三續青賞

卷二十一 碑類

六十

行電轉谷靜山空二庭遺孽交河路絕天子聞輦元
戎案節王師無戰海外有截歸我田廬功成不居歲
云秋矣日月其除壽非金石命也如何孝乎兄弟塋
之以禮蓼蓼者莪人生若多言猶在耳眇邈山河

惟漢高祖應天順人祭蚩尤於沛庭斬大地於豐澤
 則豐沛之豪傑乘於雲輿惟漢光武龍飛鳳翔舉新
 市之八千破王尋之百萬則南陽之佐命動於天矣
 我高祖神堯皇帝以唐侯而建國從晉陽以起兵協
 和萬邦光宅天下則太原之衣冠有太勳矣公諱湛
 字懷元太原晉陽人也十一代祖卓晉給事中毋常
 山公主河東有湯沐邑因家焉塋於長壽原故鄉有
 太原之號皇業伊始公以中涓從事賜田鄠杜間今
 為雍州人也昔武王定於下人太子賓於上帝基鄴

三續奇賞

卷二十一

碑

六一

鑄而開國籍神仙以命氏霸則司徒所讓位天子所
 不臣起則孝翁於閨門務學於師友豈直橫江斬將
 南登建業之臺土食金溝北徒邛山之宅自茲厥後
 數百年間國移三統周人共推其代祿家徙五陵漢
 朝不易其冠冕祖宗邁後魏中書侍郎彭城王府司
 馬周春官大夫都督晉陽侯祖亮本州主簿司木上
 士隋贈信州刺史大名革於東魏天命集於西周宗
 伯所以辨其儀林衡所以平其守父綽秦孝王府掾
 仁壽官監離石郡通守晉陽侯皇朝石州刺史逆賊
 劉武周攻陷郡城因而害遇贈代州總管謚曰烈侯

禮也天造草昧王業艱難周師纔至於太原胡兵遂入於離石負戶而汲不能定西戎之禍析骸而爨不能解南楚之圍仁者殺身以成名事有死而無貳公承聖賢之末代屬喪亂之弘多天子乘輿方清秣陵之氣諸侯斧鉞莫救驪山之烽國有命而何言邦無道而斯隱大業之季本州察孝廉非其好也高祖乃操斗極拜圖書再駕臨於孟津五星合於東井公解衣而濟策杖而行酈食其之長者逢漢祖而長揖袁曜卿之茂才見曹公而不拜從平霍邑授紫金光祿大夫入長安加左光祿大夫歷丞相相國二府典籤

三續音賞

卷二十二 碑頌

六三

叅軍事高祖受禪擢爲通事舍人通直散騎侍郎封金水縣侯食邑七百戶稍遷虞部郎中丁烈侯艱去職尋起爲隴西別駕商鄜二州刺史上柱國荊州大都督府司馬冀州刺史定其封邑誓以河山蕭相立功於萬代留侯決策於千里願持一郡洛陽之任耿純兼攝八州江東之拜陶侃龍朔三年遷使持節都督瀘榮溱珍四州諸軍事瀘州刺史江陽縣地瀘水提封叅伐下而爲益州岐山上而爲井絡尺兵再戢黃昌兩日之歌槃木斯來景伯三年之化功成露冕歲及懸車歎踈廣之知足慕祁奚之請老乾封二年

上書乞骸骨詔公祿賜同京官仍朝朔望天子歷吉日協露辰郊上玄祀清廟詔公行太尉事國之大事攝在有司蒼璧黃琮六玉以昭天地路鼓陰竹九變而祠祖考名遂身退居常待終山川則群望並走星象則中台夜拆春秋九十有三以咸亨三年七月十七日薨於京師未崇里謚曰敏喪事官給賜物三百段粟三百石葬日車服往還有司監護公幼鍾偏罰毀瘠過人八歲讀書至無母何恃廢書慟哭歐血數升逮事繼親孝聞州黨恩深母子比王元之事親夢感天婁等行卿之至孝年纔一紀有若成人吏部薛

三續青賞

卷二十二 碑類

十三

公見而稱歎潁川之司馬德操早知劉廙譙國之夏侯泰初深歎樂毅兵次霍邑力戰有功高祖嘉之賜良馬一疋進圍京城爲伏弩所中高祖臨視賜物三百段流血及屨未絕鼓音左輪朱殷豈敢言病武德之始奉使嶺南馮盎等稽首稱臣獻琛奉贄舍人薛卓遇害北庭詔公責問單于謝罪賜黃金五十斤雜絲二百段南踰漲海北度陰山太中大夫去尉佗之黃屋高車使者作凶奴之鐵券離石之難也枕干而寢見星而行號泣不絕聲者千里水漿不入口者數日同武陵之任襲入構諸羗異河內之張武空持遺

劔吳遠由其得銘。王哀以之攀栢。冀州境內舊多淫祀。褰帷按部。申明法禁。詔書遷秩百。姓攀車立廟。生祠樹碑。頌德亦猶。欒巴典郡。山鬼潛移。張禹牧州。江濤不起。公出身六十載。遺愛二十州。遂罷方岳之官。仍居上台之位。始於撥亂。伊尹之輔成湯。終於太平。軒轅之得風后。然後拂衣高蹈。躬覽載籍。著遺誠十八章。盛行於代。法文王周易之變象。尼父孝經之篇。窮性命之理。盡天人之際。莊周著論。生也若浮。史佚立言。沒而不朽。越文明元年二月十七日。陪塋於獻陵。禮也。長子朝散大夫。行扶風令。選觀等生芻一束。

三續奇賞

卷二十一 碑類

五四

泣血三年不踰聖人之禮。能行大夫之孝。京兆載開其新阡。昆吾用昭其舊德。百年宮室。宛在章臺之東。五校軍營。依然茂陵之下。其銘曰。昔在湯武阿衡尚父下。及高光蕭何鄧禹。皇天眷命。赫矣高祖。惟岳降神。克生元輔。攻城野戰。張飛關羽。奇策密謀。荀或賈詡。始陪管衛。仍叅幕府。旌節龍沙。軒旗象浦。出臨方岳。入調風雨。其生也榮池臺。鍾鼓其歿也哀。陳兵復土。孝乎惟孝。無父何怙。刊石勒銘。永傳終古。



